



*“Hobennan ta termina
cu enfoka firme y
exita pa continua nan
futuro”*

Pagina 5

Diahuebs 4 di Juli 2024 www.bondia.com Email: noticia@bondia.com Tel: 582-7800 Fax: 582-7044 1,75 Florin



Prome bista di turista:

E “One Happy Island” no ta mesun happy cu antes

Pagina 4

- **Aruba ta anfitrión pa competencia di relajación**

Pagina 2

- **Situación humanitario na Colombia a bira pio**

Pagina 10

- **Colombia ta empata 1-1 cu Brazil den Copa America**

Pagina 15

2 Caso di tiramento



Pagina 18

Un potret di un diseño diferente pa Cas Veneranda a genera un reaccion di SMF



Pagina 6

Merca: Democratanan no por dicidi entre apoya Biden of batiendo alarma pa un reemplasante



Pagina 23

Anuncio di minister di Energia tocante inicio di proyecto LNG a genera controversia

Recientemente, minister di Energia, Glenbert Croes a emiti un comunicado di prensa den cual a sigura cu ta bay cuminsa cu e proyecto di LNG hunto cu e compania Eagle LNG “pronto.” Esaki a causa controversia, cu usarionan di rednan social criticando e aparente secresia rond di e proyecto aki.

Dialuna ultimo den un comunicado di prensa, minister Glenbert Croes a anuncia “cu hopi alegria” cu gobi-erno hunto cu Eagle LNG a defini

un “roadmap” pa continuacion di e proyecto di LNG.

“E inversion cu Eagle LNG ta bay haci pa logra trece gas natural na Aruba pa wordo procesa y suministra ta uno hopi grandi,” segun e comunicado. “Unabes logra esaki, e impacto riba e tarifa di awa y coriente lo ta uno significativo, di cual hunto cu proteccion di e medio ambiente ta un di e metanan principal di Gobierno. Obviamente, e deseo di Gobierno ta pa cuminsa lo mas pronto posibel cu e proyecto, pero esaki lo wordo

defini den e proximo simannan.”

Advertencia di TNO

Den un rapport comisiona pa minister di Asunto Economico y Clima di Hulanda, TNO a adverti cu e sostenibilidad continuo di e produccion di electricidad na Aruba ta limita pa e contract firma pa LNG. Nan ta resalta cu tin poco informacion publico tocante e acuerdo di suministro di LNG.

Di e entrevistanan cu nan a realisa, nan a compronde cu tin un acuerdo di ‘take-or-pay’ pa un cantidad di LNG cu ta cubri mas o menos 50% di e produccion di electricidad y cu e contract tin un duracion di 20 aña. Esaki ta nifica cu te 2046 of 2047 lo tin costo adicional pa aumenta e porcion di electricidad renobabel mas halto cu 50%, debi na cu e LNG lo mester wordo paga mescos si e consumo ta baha.

Reaccion di comunidad

Riba rednan social, usarionan a expresa critica tocante e acuerdo cu Eagle LNG.

“Ki mishi ta actuando den secresia asina aki? Ki mishi cu barionan afecta

no mag haya sa kico ta spera nan?” un usuario a comenta riba Facebook. “Actonan asina aki ta contra transparencia y contra etica, pa no papia mes di bon gobernacion. Unda tur e palabranan di bon gobernacion y transparencia a keda? Con un Minister ta nenga di contesta pregunta di habitantenan preocupa y ta “shake hands” cu un compania cu tin TUR e cartanan den man pasobra supuestamente NI e Minister sa kico ta den contract? Nan por hasta dicidi pa destrui barionan cu bendicion di Gobierno, di [minister Glenbert Croes] y Parlamento pasobra “nos no sa kico ta den contract.” Tin beneficio personal?”

Otronan a cuestiona unda tin pensa di pone e tubo den cual e LNG lo pasa. “Y cual lo ta e trayecto di e tubonan?? No memey di nos casnan. Spera haci lo corecto y pone e planta pabao di WEB manera e plan original ta. Stabilidad y prosperidad no por bay acosta di nos tranquilidad. Wardando ainda riba contesta aki cual lo ta e ruta di e tubonan!” un usuario a comenta.

Finalmente, e usuario a conclui: “Nos ta exige transparencia! Too much to ask?”



Aruba ta anfitrión pa competencia relajacion presenta pa atleta olimpico Shaun White

Recientemente 100 bishitante cu tabata na Aruba a ricibi un sorpresa inespera. Nan a haya invitacion pa participa den un competencia di relajacion cu a ser presenta pa nada mas y nada menos cu atleta olimpico ganador di medaya di oro, Shaun White.

E evento cu a tuma luga na Eagle Beach, segun e portal NBC Miami a reporta, a invita 100 turista cu tabata di bishita na Aruba cu a aplica

pa e competencia despues di a ricibi un QR code durante nan estadia na e hotelnan na e isla.

Kico e competencia tabata encera? Facil, e participantenan mester a djis sinta pa mas cu un hora durante e golden hour, bahada di solo, riba lama y disfruta di e brisa di atardecer. Pero e participantenan tabata completamente desconecta di nan telefon y simplemente mester a sinta y relaha. Sinembargo, e competencia a

trece algun sorpresa cune. E portal Mericano a indica cu e participantenan a haya un monitor di curason pa midi e ritmo di nan curason y nan a encontra algun prueba pa wak si di berdad nan por keda riba “island time” memey turbulencianan cu tabata sucede rond di nan.


“Nos tabata kier tira e pruebanan aki pa purba acelera e ritmo di curason di e hendenan,” White a bisa den un entrevista cu NBC Local. “Nos tin muchanan ta pasa coriendo tirando santo of cuminsa un pelea di pistol di awa.”

White a bisa cu el a haya hopi placer presentando e evento y cu hende tabata keda puntra kico e mes lo haci pa prepara pa evento asina. E solamente a conseha e hendenan pa keda calmo y pone nan enfoca riba e bunita isla Caribense rond di nan.

“Mi ta kere, ta basta dificil pa stress ora bo ta aya. Tur hende ta riba “island time”, esaki ta simplemente e luga mas relajante y increibel,” White a

bisa. E ganador di e competencia ta ricibi e titulo di “E Persona Mas Relaha di Mundo” ora e competencia wordo transmiti den luna di augustus. E top tres ganadornan lo

ricibi un premio increibel pa nan rindimento relajante.



Trahadonan di Arubus y SEPPA a bay Bestuurkantoor pa pidi un pronto solucion na minister

For di algun tempo caba, trahadonan di Arubus ta mustrand nan mal contento cu varios accion exigiendo un estructura salarial nobo y un trato igual. Sinembargo, director di Arubus mes a señala cu no tin espacio pa esey sin inyeccion di Gobierno. Debi na esaki ayera e trahadonan a dicidi di bay te Bestuurskantoor pa entrega un carta na minister di Transporte, Ursell Arends y duna 24 ora pa haya un contesta.

Ayera mainta trahadonan di Arubus hunto cu Magaly Brito di Sindicato di Empleadonan Publico y Privado (SEPPA) a reuni dilanti Bestuurskantoor pa asina entrega un carta na minister encarga cu Transporte, Ursell Arends, ken a señala cu Arubus mester di un reorganizacion.

Magaly Brito di Seppa a indica na minister Arends cu trahadonan di Arubus tin un trayectoria largo pa logra haya un acuerdo y salario husto. Pa nan tambe por sobrevivi den temponan aki cu costo di bida ta pisa hopi den nan cartera y esey ta haci cu e discusion riba e tema di solidaridad ta un cu ta bin ta tardando. “Pa e motibo aki nos a bin cu e peticion na Gobierno, na minister cu ta representa e compania estatal aki, pa asina pone mas fondo necesario y nos por yega na un acuerdo. Por ta un acuerdo cu na e momentonan aki ta calma e situacion y por permiti nan pa sigui brinda e servicio di calidad pero tambe un servicio eficiente,” Brito a splica.

E situacion cu e trahadonan

ta pasando ta “imposibel pa sigui labora den un ambiente trankilo, al contrario, tin hopi frustracion y desmotivacion pa e tema aki. Nos sa cu minister a dirigi nos un carta y tambe na mediador indicando cu e tema aki mester ser hiba cu empleador, pero na mesun momento empleador na mesa ta bisa cu si gobierno no pone fondo disponibel ta imposibel pa yega na un acuerdo. P’esey ta mas cu comprendibel cu un biaha mas nos ta akinan. Minister a pone di su parti pa yega na un entendimiento y esaki a ser para, pero di otro banda si nos sigui di e forma aki nos lo keda riba caya y nos lo keda den protesta.”

Den e carta a menciona cu nan tin confiansa den e minister cu lo haci tur lo necesario pa den corto plaso nan por yega na un acuerdo. Nan a pidi pa haya un reaccion di minister Arends positivo no mas tarda cu diabierna atardi.

Minister Arends: “Gerencia ta incapaz”

Minister Arends a bisa cu e ta lamenta “cu awe boso mester ta para dilanti di cas di Gobernacion pa manifesta boso disgusto, pero loke si mi por bisa boso como gobernante y di parti di Gobierno, cu ami tambe ta disgusta, pasobra ta politica y gobernantenan a conduci pa Arubus ta unda e ta awe: un compania cu practicamente ta den bancarota. Y no ta Ursell Arends ta bisa esaki, Algemene Rekenkamer y CAft tambe ta bisa esaki, confirmando cu Arubus ta un compania den bancarota. Nos a yega na un momento crucial sea nos ta bay den direccion di cumpli cu exigen-



cianan cu kisas no factibel na e momentonan aki, of nos ta bay traha hunto, Gobierno y trahadonan, pa asina pone e compania para back riba su pia.”

Ademas, el a informa cu ta evidente cu “gerencia ta incapaz”, pa motibo cu a faya su trahadonan y Gobierno di Aruba.

Ayera Raad van Commissaris mester a haya un carta den cual a pidi un reorganizacion completo di e compania cu participacion di e trahadonan, y di e forma aki nan por cuminsa bay traha pa rescata e compania. Ademas a afirma cu a duna te fin di luna pa presenta un plan structural con ta bay anda cu e fondonan.



Dialuna ultimo minister Arends a ricibi un carta di gerencia di Arubus caminda a solicita un cantidad di placa substancial “pero sin propone un solucion structural y di e forma aki nos no por sigui anda.”

Sinembargo, e solicitud di sindicato ta pa haya un solucion pa salario di trahadonan y pa e peticion cu nan a entrega, e trahadonan mester haya un contesta lo mas pronto posibel pa asina sa kico ta nan proximo paso.

Roque Tromp, ken ta fungi como shop steward di SEPPA, a comenta cu nan como trahadonan no ta sinti cu nan ta hayando e oido cu nan kier haya. “P’esey nos a dicidi di bin y entrega un carta cerca minister Arends cu loke nos ta sinti. Anos keto bay ta sigui pleita, pasobra nos kier un trato husto igual.”

Condicion actual di e busnan ta hopi malo

Pa loke ta trata e situacion di e busnan, Roque a bisa cu “e busnan su condicion ta hopi malo. Tur dia e hefenan mes ta confrontando problemanan pasobra no tin suficiente bus. Aworaki tin 7 of 8 bus para cu no tin piesa pa nan. Otro ehemplo ta un dak di un di e garage na Wayaca cu a bula na comienso di juni, dak di stacion di San Nicolas tambe ta den mal estado y esey ta pa falta di mantencion di Arubus, tin bus ta bin yega Aruba nobo cu no ni a sali core y nan a plunder, kita piasanan for di nan caba y pone na otro busnan pa core. Kiermen cosnan asina ta mal gastamento di placa sin traha cu un plan structural pa yega na solucionnan.”

Nan a informa tambe cu si no lo bin cu un pronto solucion nan ta bay escala nan accionnan den dianan aki.



Prome bista di turista:

E “One Happy Island” no ta mesun happy cu antes

Turistanan cu ta opta pa bishita Aruba tin expectativa halto. E slogan “One Happy Island” ta brinda e turistanan e sensacion di un isla feliz, sigur, limpi y caminda cu nan no tin ningun preocupacion mientras nan ta disfruta di nan vakantie.

Turistanan ta scoge Aruba pa e lama bunita, e santo blanco, e calor di solo y un clima cu mayoria dia di aña no ta cambia mucho y nan ta spera for di e momento cu nan sali for di e portanan di Aeropuerto Internacional Reina Beatrix, cu nan lo disfruta di “first class experience.” y Aruba, como un di e islanan mas caro den Caribe, ta spera di duna esaki. Pero tin algun aspecto cu ta causa un impresion no mucho positivo riba e turistanan.

Pa tin un idea di kico berdaderamente ta e prome impresion di un turista na momento cu e yega Aruba y traslada for di aeropuerto pa e area di hotel, cu ta caminda mayoria di turista ta scoge pa hospeda, reportera di Bon Dia Aruba a haci e recorrido aki y por a tuma nota di algun aspecto cu mester mehora pa turistanan por tin e experiencia di primera clase na Aruba.

No ta un secreto cu actualmente tin un problema di sushedat na Aruba y desde cu e dump na Parkietenbos a cera, e problema aki a empeora. Tin un cantidad di dump ilegal na diferente parti di e isla y aunke riba e ruta cu mayoria turista ta pasa pa yega na nan localidad final no tin dumpnan grandi di sushi, esey no ta kita cu tin sushedat cu ta un bista mahos.

For di e rotonde di aeropuerto te na rotonde di Las Americas, Cas di Cultura, na banda di caminda tin diferente spotnan cu sushi ta visibel for di caminda y cu mas cu claro no ta un bunita prome impresion pa turistanan.

Un escultura cu ta hala atencion ta e escultura di e parha condor cu ta riba Plaza di Gradimento, situa dilanti PriceSmart. Riba y rond di e plaza aki tin un cantidad di sushi y ademas e falta di mantencion di e plaza tambe ta laga hopi di desea.

Te na retonde di Cas di Cul-



tura, especificamente pega na e heki di tereno di aeropuerto tambe por a tuma nota di hopi sushi cu poco poco ta acumula. Esaki ta un area cu hopi turista, pero tambe local, ta frecuente. Ta di spera cu e ruta aki ta ser bon manteni y cu no tin sushi ta acumula.

Mester remarca cu for di e rotonde di Las Americas te na e retonde di Wendy's/Harbour Arena e ruta ta bon manteni y cantidad di sushi cu tabata visibel tabata minimo. Pero ya despues di e rotonde aki e cantidad di sushi ya a cum-

insa bira visibel atrobe y esaki ta simplemente demonstra cu e esfuerzo ta wordo haci pa cierto areanan, enbes di pa henter e isla.

Den e area hotelero, area turistico tambe e cantidad di sushi visibel ta lamentabel. Hopi boter di plastic, cups, saco y hasta palletnan ta wordo laga banda di caminda y poco poco ta acumula y ta crea un mahos bista pa turistanan.

No ta un secreto tampoco cu Aruba no tin e miho carer-



anan. Hopi buraco, y esaki ta teniendo na cuenta cu ta trata solamente di un ruta, for di aeropuerto pa area hotelero. Aunke no tin buraconan grandi ni buraconan cu ta no ta tapa, e estado di e careranan no ta optimal. Pues manera ta custumber ta prefera di tapa e buraconan cu un capa di asfalt ora cu nan sali y esakinan no ta keda 100%.

Turistanan ta scoge pa bin Aruba, locual no ta barata. Costo di e isla a subi, gasolin ta caro, cuminda ta caro, esta-

dia ta caro y apart di esaki nan tin cu paga diferente impuesto tambe. Sin conta e efecto cu e escasez di personal den e sector horeca por tin riba e servicio cu e turistanan ta ricibi.

Aruba ta un di e destinacionnan mas popular den Caribe, ta spera cu e autoridadnan concerni pone atencion y mehora e aspectonan aki pa duna e turistanan locual nan merce y ta paga p'e.

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figueroa (closer editor)
Leo Maduro
Andreina Morillo
Raisa Montilla
Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhouth
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

Programa LEAD BY DESIGN den colaboracion cu CEDE ta clausura 3 bario: “Hobennan ta termina cu enfoke firme y exita pa continua nan futuro”

Despues di un programa impactante y intensivo diseña pa yuda hobennan desaroya holisticamente riba 5 area di bienestar LEAD BY DESIGN den colaboracion cu CEDE Aruba a exitosamente clausura Plan di Bario LEAD BY DESIGN pa loke ta trata barionan di Piedra Plat, Santa Cruz y Noord.

Programa di LEAD BY DESIGN ta hiba un enfoke holistico enfoca pa ekipa hobennan descubri nan identidad, segun nan diseño unico y consecuentemente hiba nan mas cerca di tuma decisionnan mas concreto pa loke ta trata escogencia di nan futuro carera.

“Mi tin hopi aña ta traha cu hobennan, tanto via scol como docente na diferente MAVO school, como via “Youth programs / camps anual” cu mi a bin ta organisa desde 2013, bo ta mira toch cu hopi biaha e hobennan ta keda tranca den cierto otro area di bida cu ta e estilo di bida holistico, unda entre otro, nan no sa ki direccion di estudio pa scoge, kico ta nan talento, con pa tuma decisionnan den bida, norma y balor, ki impacto come saludabel tin specialmente riba nan enfoke mental. For di momento cu mi a cuminsa desaroya e programa y a pasa door di dje cu nan, mi mes a bira un hoben - mi a ‘leef mee’ tur cos cu nan y mi por bisa cu e 14 simannan aki, tabata un exito. Awe nos ta papia di hoben, pero mester corda cu mañan nan tambe lo bira un famia, nan ta bay studia, nan lo bin bek y tambe forma nan famia, dus bo ta traha un fundeshi pa nan, cu nan ta keda construi durante nan jornada di bida,” Sra. Sharleen Tromp, kende ta un Entrenado Certifica di Gallup Strengths, Finanzas, Personalidad y Desaroyo di Talento, como tambe un Docente di profesion, a splica.

Un programa cu a conta cu presencia di 45 hobennan di diferente bario y scolnan cu kende tambe a siña conoce otro durante e programa LEAD BY DESIGN.

“Ora mi a bin mi no tabata conoce niun hende, pero



Juffrouw Sharleen a introduci mi, mi a sinti mi hopi great y bon bini. E ekipa a trata nos hopi bon y mi a siña hopi cos cu mi no tabata sa prome. Mi a gusta hopi e module di “Personalities,” como tambe esun di “My Strengths,” hoben participante di Programa LEAD BY DESIGN, Jaythan Tromp a comparti. Jonathan ta splica cu e kier bira un “Ethical Hacker” profesional, a haya su siguransa cu esaki ta loke e lo bay p’e. “E Programa LEAD BY DESIGN a yuda mi hopi den esaki, concretizando mi deseo pa bay den e direccion aki, pasobra tanto mi “personality” y como mi “strengths” ta alinea cu esaki,” Jaythan, a sigui splica.

“Actualmente mi ta den mi “gap year” prome cu mi sigui pa Hulanda y na momento cu mi a wak e flyer, mi a hay’e hopi interesante pasobra el a menciona hopi topico pa yuda mi reconoce y conoce mi mes miho, prome cu mi bay Hulanda,” participante Isabela Quilotte a comparti. “E Programa LEAD BY DESIGN a echt habri mi wowo, pa loke ta trata mi personalidad. Ami cu mi mama ta dos diferente personalidad y awo cu mi a pasa door di e mate-

ria, y wak e riba papel, mi por a bon compronde nos diferencianan, esaki ta haci cosnan hopi mas facil.”

“E programa tabata hopi fun y mi a siña hopi cosnan cu mi no tabata sa di mi mes. Mi a siña conoce mi mes miho, pasobra mi no ta hopi sigur di ken mi ta,” hoben participante di bario Santa Cruz, Angel Morales a splica. “Mi a haya sa cu mi tin cu traha riba mi personalidad ta cu mi ta distrae hopi, y e ta berdad cu mi ta asina. Tambe mi a gusta e parti di “Love Language,” paso berdad tin biaha ta gusta ta cu hende, pero tin biaha no. Mi gusta ta cu hendenan cerca di mi, y pasa tempo di calidad. Tambe, e les aki a yuda mi concretisa e futuro doctor cu mi kier bira,” Morales ta afirma.

“Ora mi a cuminsa, mi no a spera mucho di dje, pero na final, mi por bisa awe cu mi a bay hopi curso, pero esaki ta esun cu mas a impacta mi”, hoben participante Isaïenne Martis a remarca. “Mi a gusta e module di “Beroepskeuze” hopi, paso prome mi a medio pensa cu mi kier bira un dokter, pero awo cu mi a

pasa door di e module, mi ta bisa si, mi ta bay bira dokter. Tambe mi a gusta e module di e “Digital Vision Board,” paso eyan nos a siña traha den forma creativo y pone nos pensamiento riba un digital board. El a colecta tur cos, manera mi personalidad y cosnan cu mi gusta, den un solo documento,” Martis a comparti.

“Nos siguiente programa lo continua den barionan di Dakota y Lago Heights. Mi ta hopi excited pa cu esaki, como tambe den ki forma mi por sigui cu e gruponan existente kende hopi di nan a puntra si nan por forma parti di e programanan di Dakota y Lago Heights tambe,” e desaroyado di programa, Sra. Sharleen Tromp a termina bisando.

Programanan di Dakota y Lago Heights lo ta pa hobennan entre edad di 16 pa 18 aña di edad. Participacion ta gratis, danki na CEDE Aruba y e Centro di Barionan cu ta sponsor pa sostene e gastonan involvi. Pa haya sa mas tocante Programa di LEAD BY DESIGN, por tuma contacto cu e fundacion via +297 733 0377.

Un potret di un diseño diferente pa Cas Veneranda a genera un reaccion di SMF

Un potret di restauracion crea pa un compania di arkitectonan local a genera un reaccion di Stichting Monumenten Fonds (SMF) pa loke ta trata e restauracion di Cas Veneranda, unda nan a aclaria cu aunke nan ta admira e talento y creatividad local, esey no ta e diseño oficial cu Cas Veneranda lo tin na final di e proyecto.



Ta parece cu un compania a recrea un diseño di Cas Veneranda di un manera diferente na esun cu tin plania di haci realmente y Stichting Monumenten Fonds mediante un publicacion riba Facebook a dicidi di bin dilanti y splica cu “Nos ta admira grandemente e talento y

creatividad local muestra den e diseño. Sinembargo, nos kier aclaria cu esakinan no ta e diseño oficial di proyecto di restauracion di Cas Veneranda. E preparacion di documentonan di e proyecto ta den man di un ekipo di construccion bao direccion di nos director. Nos ta lamenta

cualquier informacion incorrecto cu a ser comparti.”

Diferente opinion a ser comparti pa cierto usuarianan di rednan social caminda algun di nan a indica cu e diseño tabata solamente un concepto y cu nan no tabata pretende causa ningun confusion.

Pa otronan e concepto tabata

hopi bunita y hasta a pidi pa mantene e cas di e manera mas original posibel.

E compania encarga di e diseño oficial ta Hoevertsz Archi-Design N.V. conoci pa traha den diferente restauracion di varios monumento na Aruba. Sinembargo, esnan cu a duna un otro idea pa Cas Veneranda den e post publica pa Stichting Monumenten Fonds a splica cu “nos kier cuminsa na bisa cu no tabata nos intencion pa desmenti Hoevertsz ArchiDesign N.V. su diseño oficial, sino simplemente nos a duna nos punto di bista con nos lo a propone un diseño na Stichting Monumenten Fonds Aruba y na pueblo. Loke ta interesante pa splica ta e proceso na con nos a yega na e concepto aki, usando e “Exhaust Oppor-

tunities Method” populariza door di Architect Bjarke Ingles, di cual nos a crea +/- 40 concepto y despues adapta e cu “Design Iterations” pa por yega na e concepto cu nos a presenta sin tin ningun mapa.”

Ademas, nan tambe a indica cu “nos lo haci nos maximo esfuerzo pa ta presente na e “Open Monuments Day Aruba” dia 15 September 2024 pa siña mas di nos monumento. Na final di dia nos tin mesun intencion cu Stichting Monumenten Fonds Aruba, pa preserva y promove nos historia y arkitectura local.”

Proyecto di Cas Veneranda a termina su prome fase di restauracion siman pasa.

Prome minister a reuni cu DRH riba proyecto di restructuracion di e aparato gubernamental

Diaranson, 3 di juli, Prome Minister Evelyn Wever-Croes a reuni cu e ekipo di Departamento di Recurso Humano (DRH) cu ta encarga cu e proyecto di restructuracion di e aparato gubernamental.

E proyecto aki ya ta andando pa un tempo caba y na e momentonan aki ta bayendo den pasonan mas concreto. E restructuracion di e aparato gubernamental ta consisti di diferente paso y ta basa riba un rapport cu recomendacionnan di PricewaterhouseCoopers Hulanda

(PwC) ken a haci un investigacion riba esaki. Esaki ta muestra riba tareanan cu Gobierno ta haciendo y cu no mester haci mas y cua ta e tareanan cu Gobierno mester haci y no ta haciendo aworaki, y cua ta e miho structura pa agrupa e tareanan miho posibel den e aparato gubernamental.

A base di e recomendacionnan di PwC, awor DRH (Departamento di Recurso Humano) ta dunando esakinan un contexto local cu ta un contexto mas realistico y mas realisabel pa Aruba. Den

esaki por mira por ehempel e ministerionan, pa no tin ministerionan cu ta cambia cu cada gobernacion pero tin un structura fiho di e ministerio, e asina yama ‘domein’.

Prome Minister ta menciona cu si por ehempel, den e Min-

isterio di Infraestructura, tur departamento cu tin di haber cu Infraestructura ta keda den e famia di Infraestructura. Esaki no lo cambia durante un formacion di un gobierno nobo, evitando cu na e momento ey cada ministerio ta pidi e departamento cu nan

ta desea. Y den e domein, por ehempel di Infraestructura por mira kico ta e tareanan cu DOW, DIP y Kadaster ta haci cu ta similar pasobra por mira cu tin hopi cu ta overlap otro. Akinan ta uza e similaridad di e tareanan y organis’e na e miho manera.

Ayera a marca Dia Mundial di Parha Marino

Globalmente tin 50 especie di Sternchi di cual 20% ta reproduci ariba Aruba. Ariba mundo tin algun caminda unda cu 5 especie di sternchi sa reproduci mientras cu na Aruba tin 10. Esaki ta haci nos posiblemente e unico caminda unda cu esaki ta sucede.

Na 2007, e rifnan di San Nicolas a wordo declara Area di Parha Globalmente Importante (Globally Important Bird Area) pa BirdLife International door di nan concentracion halto di Noddy Bruin y Preto, Sternchi Pecho Ros, Sternchi di Rey, Sternchi Chikito, Sternchi Comun, Sternchi Bata preto, Sternchi Bril, Sternchi Grandi, y Cayenne Terns, cual ta diferente tipo di Sternchi.

Alrededor di 20 porciento di

tur Cayenne Terns, 40 porciento di Noddy Preto, y 60 porciento di e Sternchi Comun di henter mundo ta reproduci den ariba nos isla. Ta estima cu 6,600 pareha di Sternchi Bata Preto y 5,000 di Cayenne Terns ta reproduci na Aruba.

A lo largo di henter nos costa

noord e Sternchi Chikito, Sternchi Comun y Sternchi Pecho Ros ta reproduci.

Aruba su teritorio ta di suma importancia pa e especie di parha aki globalmente. Ban siña conoce y aprecia nos naturalesa pa por dun’e e trato cu e merece!



CALL FOR HEIRS OF HENRIETTA AUGUSTA LAVEIST

In relation to the division of a parcel of land in Sint Maarten, described in certificate of admeasurement Rem. 560/1996 (C 10-3), the undersigned, representing certain heirs to the estate of Anthony Laveist (born in 1836 and passed away on October 8, 1920, in Sint Maarten), is requesting heirs of HENRIETTA AUGUSTA LAVEIST, born on January 17, 1880, in Sint Maarten, to contact the undersigned with name and contact information through: WTLFoundation@laveistfoundation.org

WILLIAM THOMAS LAVEIST JR. FAMILY PRIVATE FUND FOUNDATION

Bebemento pisa entre studiantenan Hulandes a regresa na nivelnan pre-pandemico

(NLTimes)—E cantidad di estudiante cu ta bebe hopi glas di alcohol tras di otro a regresa na nivelnan pre-coronavirus. Den e tempo di e encuesta (na 2023), 18 por ciento di estudiante a consumi al menos cinco bebida alcoholico den un anochi durante e ultimo luna cu a pasa. Esey ta aproximadamente e mesun cantidad cu den 2019. Esaki ta evidente for di investigacion conduci pa GGD y RIVMS cu locutor ANP a pidi.

E cantidad di bebedornan pisa hoben ta varia significativamente pa region. E grupo mas grandi ta ubica na Twente riba 29 por ciento. Den e

region ey, hobennan ta bebe demasiado den e municipionan di Tubbergen, Dinkeland, Oldenzaal y Losser. E cifra aki tambe ta mas halto cu e averahe na Friesland (26 por ciento) y Noord-Limburg (24 por ciento). Para full abao den e lista ta Flevoland y e region di Amsterdam cu aproximadamente 11 por ciento.

“Por haya un posible splicacion den e hecho cu Twente tin un cantidad grandi di municipionan rural,” segun un vocero pa GGD Twente tocante e cantidad halto di bebedornan pisa hoben den e region. “Tin un cultura entre hobennan di e municipionan cu alcohol ta contribui na socialisacion.” E organisacion

ta mira un rol pa mayornan. “Nos sa for di estudionan científico cu hobennan cu mira nan mayornan bebe tin mas chens di cuminsa bebe alcohol nan mes.” E cantidad di adultonan na Twente cu no ta adheri na e liñanan di guia pa consumo di alcohol di e Consejo di salud (no of un maximo di 1 glas di alcohol pa dia) tambe ta mas halto compara cu otro luganan na Hulanda.

E cantidad di hobennan menor di edad cu ta bebe hopi ta “demasiado halto,” segun un vocero pa e Stichting Nederlands Instituut voor Alcoholbeleid (STAP). “Bebemento pisa pa hobennan y adultonan jong ta un



di e formanan mas dañino di consumo di alcohol. A pesar di e reduccion den uso di alcohol entre hobennan, nos ta mira cu cierto proveedor no ta cumpli suficientemente cu e ley. Bentanan online di alcohol, en particular, ta causando preocupacionnan cre-

ciente.”

E cifranan aki ta bin for di e Jeugdmonitor, un encuesta conduci un bes cada dos aña. Na 2013, 188,000 estudiante den e segundo y di cuatro aña di scol secundario a participa na esaki.

Merca:

E FDA ta aproba un segunda medicamento pa Alzheimer's cu por frena e malesa significativamente

(AP)—Oficialnan Mericano a aproba un otro medicamento pa Alzheimer's cu por frena e malesa significativamente, dunando pashentnan un otro opcion den e etapanan trempa di e malesa incurable.

E Food and Drug Administration (FDA) a aproba Kisunla di fabricante Eli Lilly diamars pa casonan trempa di leve di demencia causa pa Alzheimer's. Esaki ta solamente e segundo medicamento cu a muestra un retraso den caida cognitivo den pashentnan, siguiendo e aprobacion di aña pasa di un medicamento similar for di e fabricante Hapones Eisai.

E retraso observa cu ambos medicamento entre par luna—aproximadamente shete luna, den e caso di Kisunla. Pashentnan y nan famia lo mester

considera e bentaha ey cu su desbentaha, incluyendo infusionnan regular y posible efectonan peligroso manera hinchamento cerebral.

Dokternan cu ta trata Alzheimer's ta bisa cu e aprobacion ta un stap importante despues di varios decada di tratamentonan experimental cu a fracasa. “Mi ta contento pa tin diferente opcion pa yuda mi pashentnan,” segun Dr. Suzanne Schindler, un neurologo na Washington University na St. Louis. “Ta dificil como un especialista di demencia—mi ta diagnostica mi pashentnan cu Alzheimer's y despues tur aña mi ta mira nan bira pio y nan ta progresa asina te cu nan morto.”

Ambos Kisunla y e medicamento Hapones, Leqembi, ta anticurpanan construi den laboratorio, administra pa

infusion di IV, cu ta ataca un contribuyente na Alzheimer's—acumulacion di placa amiloide den e cerebro. Ainda tin pregunta tocante cual pashent mester tuma e droga y con largo nan por beneficia di esaki.

E aprobacion nobo di e medicamento tabata anticipa despues cu un panel exterior di conseheronan di e FDA a vota unanimamente den favor di su beneficiarios na un reunion publico luna pasa. E promocion a bin a pesar di varios pregunta for di evaluadornan di FDA tocante con Lilly a studia e medicamento, incluyendo permitiendopashentnan pa descontinua tratamiento despues cu nan conteo di placa den cerebro yega na nivelnan abao.

Costonan lo varia pa pashent, basa riba con largo nan tuma e medicamento, Lilly a bisa. E compania tambe a bisa cu terapia di un aña lo costa 32,000 dollar—mas caro cu e 26,500 dollar pa aña pa tratamiento di Leqembi.

E informacion di FDA ta conta dokternan cu nan por considera para e tratamiento cu e medicamento despues di confirma via scan cu pashentnan tin placa minimal. Kisunla, conoci kimicamente como donanemab, basa riba resultadonan for di un estudio

di 18 luna den cual a mira cu e malesa den pashent a progresa aproximadamente 22 por ciento mas slow pa loke ta memoria y habilidad cognitivo compara cu pashentnan cu a ricibi un placebo.

E problema si seguridad principal ta hinchamento y sangramento di cerebro, un problema cu ta comun pa tur medicamento cu ta ataca

placa. E gradonan reporta den e estudio di Lilly—including 20 por ciento di pashent cu microsangramento—tabata un tiki mas halto compara cu esnan reporta cu Leqembi. Sinembargo, e dos medicamento a ser getest den diferente tipo di pashent, cual expertonan ta bisa ta haci'e dificil pa compara e seguridad di e medicamentonan.




CENTRALE BANK VAN ARUBA

BEKENDMAKING

Ingevolge artikel 14b lid 2 van de Landsverordening toezicht verzekeringsbedrijf (AB 2000 no. 82) (Ltv) maakt de Centrale Bank van Aruba hierbij bekend dat zij – op grond van artikel 14a lid 2 van de Ltv – op 17 mei 2024 voorwaardelijk toestemming heeft verleend aan First Star Inc. om haar gekwalificeerde deelnemingen in Nagico Aruba N.V. en Nagico Life Insurance Aruba N.V. te vergroten van 61 procent naar 81,2 procent.

Oranjestad, 3 juli 2024

Conseho di SER tocante modificacion di e Ordenansa di vivienda publico

Conseho Social Economico (SER) a emiti awe un conseho extenso na Parlamento tocante e proyecto di iniciativa di lei pa modifica e Ordenansa insular tocante adkision di propiedad di casnan publico na Corsou (A.B. 1962 no.13). E conseho aki ta un reaccion riba peticion di miembronan di fraccion di PAR den Parlamento.

E proyecto di iniciativa di lei propone ta busca pa cambia e ordenansa actual di manera significativo, eliminando e tasa di inflacion anual cu ta aumenta e prijs di benta di casnan popular. E cambio aki ta busca pa crea un ruta mas



aceptabel pa hende cu tin menos recurso pa por bira doño di nan propio cas, apoy-

ando asina ey obhetivonan mas amplio di husticia social y estabilidad economico.

E iniciativa di lei a ser presenta conforme articulo 77 di Areglo di Estado di Corsou, cu ta duna Parlamento e derecho pa propone proyectonan di lei na Gobierno. SER a evalua e peticion aki cuidadosamente, tumando na consideracion aspectonan legal, social y economico pa garantisar un impacto positivo riba comunidad.

Segun e iniciadonan di e proyecto di lei, ser doño di bo propio cas ta contribui na estabilidad economico y ta fortalece structuranan social, estimulando asina ey rikesa personal y participacion comunitario. Tratadonan internacional, manera e De-

claracion Internacional di Derechonan Humano y e Obhetivonan di Desaroyo Sostenibel (SDG's), ta subraya importancia di vivienda adecua como un derecho humano basico.

Segun fraccion di PAR, ta fundamental pa implementa mecanismonan cu ta fomenta benta di cas sin altera e mercado di vivienda na Corsou.

SER a evalua e proyecto di iniciativa di lei for di un perspectiva socioeconomico, analisando posibel beneficio, riesgo y retonan.

Dos individuo indocumenta a ser deteni despues di accident na Corsou

(CuraçaoChronicle) - Riba diasabra mainta dia 29 di juni alrededor di 4am, un accident a tuma luga den trafico cu a termina den detencion di dos persona.

Un vehiculo cu tabatin dos persona aden a accidenta contra un muraya. Na su yegada, polis a determina cu e chauffeur tabata un persona di Colombia, ken tabata sin su documentonan cu ta per-

miti residencia legal y tabata bao influencia di alcohol.

A causa di e heridanan cu el a ricibi den e accident, a transporta su persona na Departamento di Emergencia di CMC via ambulance pa e por ricibi tratamento medico. Despues di a ricibi e atencion medico, a detene su persona a causa di su status como ilegal.

E pasahero femenino, ken tambe a ser determina di ta na

e pais sin su documentonan di residencia legal, a ser hiba e departamento di inmigracion inmediatamente, unda el a ser presenta dilanti un oficial hudicial.

Como consecuencia di esaki, el a ser poni bao detencion cu su deportacion pendiente.

Pa loke ta trata e vehiculo cu cual e dos persona en cuestion a accidenta nan mes, e vehiculo a keda confisca.



Oranan di espera largo na oficina di notario na Corsou ta un problema grandi

(CuraçaoChronicle) - Oficina di notario na Corsou tin tempo ta lucha cu problemanan importante pa añanan largo: oranan di espera largo.

Mayoria di e oficinanan a implementa un paro na aplicacionnan, y e tempo di espera pa ricibi servicio por dura te cu un aña y ta causando problemanan significante.

Escasez di candidato pa notario

E fundeshi di e problema ta cu tin un escasez di candidato pa bira notario riba e isla. "Den aña 2007, ya caba mi a adverti tocante un escasez y a conseha e universidad train mas estudiante," Alba Chatlein, notario di Notaris-kantoor Chatlein a comenta.

Apesar di e advertencia trem-



pan aki, poco a cambia. "Actualmente, tin den avarahe un solo candidato disponibel pa cada notario. Mas tanto nan ta haci e trabao ehecutivo, cual ta nifica cu si e cantidad di notario no aumenta, bo no lo resolve e problema di espera," Chatlein a splica.

E naturalesa di e trabao tambe

ta contribui na e temponan di espera, manera e documentacion extenso cu ta rekeri pa investigacion di cliente y legislacion contra terrorismo y labamento di placa. "Tur accion ta rekeri documentacion preciso y aprobacion, cual ta tuma hopi tempo," Katherine Filesia a splica, ken ta candidato di notario pa e Notaris-

kantoor Chatlein.

Imagen

E imagen di e profesion di notario ta haci esaki poco atractivo pa hobennan. "E profesion ta dificil y no ta flexibel, cu oranan largo di trabao y un presion halto tambe. Esaki no ta atrae estudiante." Filesia agrega cu, "varios persona no sa exactamente kico un notario ta haci, cual ta haci cu nan no ta sinti motiva pa scoge e carera aki."

Solucion pa e escasez

Chatlein y Filesia ta enfatisa e importancia di un miho educacion y promocion pa haci e profesion di notario mas atractivo. Filesia a bisa cu e hobennan mester sa cu e ta un trabao desafiante pero tambe versatil.

Te hasta e ta sugeri pa usa

plataformanan manera tikTok y ofrece stage di introduccion pa yega na un audiencia mas hoben. "E ta importante pa yena e buraco entre loke hende ta kere e notario ta haci y loke en realidad nos ta haci."

Adicionalmente, mester haci e profesion uno mas flexibel y atractivo. "Na Hulanda, tin mas flexibilidad tocante observacion y oranan di trabao. Nos mester implementa esaki tambe," Filesia a sugeri.

Esaki lo permiti e notarionan yega na un balans entre bida y trabao, cual lo haci e profesion mas atractivo pa e generacionnan den futuro. E gobierno tambe por huña un rol pa medio di desaroya politicanan cu ta encurasha e studiantenan local pa studia ley di notario y traha na Corsou.

Huesnan ta tene Gobierno Hulandes responsable pa e diferencia di sueldo entre hende homber y hende muhe den e husticia

(nltimes.nl) - Dos hues ta tene e Gobierno Hulandes responsabel pa e diferencia di sueldo entre hende homber y hende muhe den e sistema hudicial. Den un carta entrega na gobierno diaranson, nan a demanda pa e politica actual di schaal di sueldo wordo aboli y substitui cu un sistema di remuneracion fiho. Nan tambe kier pa e Estado paga compensacion pa hende muhe pa e diferencia di sueldo.

E huesnan ta traha hunto cu e grupo di interes pa eman-

cipacion Bureau Clara Wichmann riba e caso aki. Si e Estado no reacciona den dos siman, nan lo presenta un keho na e Instituto di Derechonan Humano di Hulanda.

Pa hopi aña ta conoci cu hende muhe ta wordo paga menos cu hende homber na manera structural, aunke esaki no ta permiti pa ley, abogada Marlies Vegter di Bureau Clara Wichmann a bisa na NOS. Den e sistema hudicial, e diferencia di sueldo ta casi 8% den promedio. “E ta varia, pero e por ta tanto manera 10%. Esey ta e sumanan significante.”



Cualquier hende cu ta cuminsa traha como un hues of un fiscal ta wordo escala segun nan ultimo salario gana. Y esey ta e problema, Vegter a splica. “Na tur lugar den

sociedad bo ta mira cu hende muha ta traha mas frecuente den profesionnan social, incluyendo como abogado. Na un institucion social, bo ta gana menos cu un hende cu

tin un salario comercial di Zuidas. E desigualdad aki ta continua ora cu bo bay traha den e husticia.”

E sistema actual di schaal ta contra di e constitucion, un grupo di 138 hues, consehero y huesnan den training a skirbi recientemente un manifesto. Nan ta argumenta pa un sistema di remuneracion fiho, estableciendo un salario fiho pa diferente profesionnan den e sistema hudicial. “Y si esey no ta suficiente pa bo, pues esaki no ta e profesion pa bo,” Vegter a bisa na NOS.

Tres scol primario na Rotterdam a cera pa motibo di menasa di protesta violento

(nltimes.nl) - Tres scol primario na Rotterdam a keda cera diaranson pa motibo di un yamada pa un “demostracion violento.” E yamada a menciona e patio di scol di Dominicus Child Center na Noorderhaverkade. E scol Jenaplan De Blijberg y e scol Dalton De Margriet, cu ta comparti e mesun compleho, tambe a keda cera, segun polis a confirma.

Dominicus Child Center a bisa diamars atardi cu e lo keda cera diaranson pa motibo di e menasa. E directiva di scol RVKO a tuma e decision ey den consulta cu polis. Diamars anochi, e directiva nan di De Margriet y De Blijberg a informa e mayornan cu nan tampoco no lo habri diaranson.

“Pasobra nos scol ta den bisindario cercano di Dominicus, nos a consulta cu e municipio y polis tocante

esaki,” Michelle Struick, directora di enseñansa primario di BOOR Foundation, cu ta cubri ambos scol, a skirbi na mayornan. “Aunke ta spera cu e accion no ta dirigi na nos scol, nos ta scoge pa ta sigur. Pa elimina cualquier riesgo, nos ta cera e scol.”

Polis a bisa cu nan a ricibi un tip anonimo tocante e yamada pa un demostracion violento. Polis ta tuma e asunto “hopi serio,” segun un vocero a indica.



Universidadnan tin miedo di caida den calidad, salida di estudiante y mas desigualdad pa motibo di plannan di e gabinete nobo

(nltimes.nl) - Universidadnan ta preocupa cu lo tin un aumento di studiantenan cu no lo caba nan estudio si e gabinete nobo ta implementa rebaha di presupuesto pa enseñansa superior y investigacion y implementa un boet pa hende cu ta tuma demasiado tempo pa caba nan curso. Nan ta kere cu e calidad di enseñansa lo baha y cu no tur hoben lo tin e mesun oportunidad pa studia. E medidanan cu e gabinete a anuncia tambe lo empeora e falta di personal cu universidadnan ta lucha cune, segun e institucionnan.



sector pa centenares di miyon di euro pa aña. “Un generacion completo lo wordo afecta pa esaki, y tambe tin e menasa di un gran impacto negativo economicamente, y e desigualdad di oportunidadnan lo crece,” The Hague University of Applied Sciences a bisa.

E organizacion cu ta acapara e Universidadnan di Hulanda (UNL) ta kere cu e parti-

donan di coalicion ta hunga cu e futuro di e hobennan di e pais.

Un boet pa tuma demasiado tempo pa caba bo curso, cu PVV, VVD, NSC, y BBB ta buscando implementa, tambe a wordo critica fuertemente. “Inespera, desagabel, sin pensamiento,” Hogeschool Rotterdam a describi e plan. “E medidanan aki lo pone mas presion riba nos studian-

tenan y lo spanta e futuro estudiante y causa salidanan no necesario,” Avans University of Applied Sciences a bisa.

Universidadnan ta preparando internamente pa caida den cantidad di studiantenan, aunke nan tin speranza cu lo cancela e plan. Universidad di Groningen y Inholland University of Applied Sciences no ta buscando ningun personal nobo aworaki; vacaturanan ta wordo yena internamente.

“Nos lo tin cu interveni,” Radboud University of Nijmegen a bisa. Amsterdam University of Applied Sciences (HvA) ta evalua criticamente cual vacaturanan mester yena y no ta prolongando e contractnan temporario mas.

Segun HvA, e gabinete nobo mester sostene e acuerdo di termino largo cu e gabinete anterior a haci cu e sector. “Gobierno no por simple-

mente anula e acuerdonan haci. Nos lo test esaki legalmente si mester.”

Cursonan di enseñansa profesional superior tambe ta preocupa tocante e futuro di nan investigacion orienta riba practica. Universidadnan ta indigna tocante e rebaha di mas cu un biyon di euro na e fondo pa investigacion y ciencia y e abolicion di plannan di sector (215 miyon euro pa aña). E plannan aki mester a hiba na un calidad mas halto di enseñansa.

“E rebahanan cu tin plania cu ta menasa e existencia di cursonan esencial di enseñansa, facultadnan y universidadnan,” cientificonan di Universiteit Leiden a bisa cu aprobacion di nan directiva. Nan ta campaña di dia pa dia contra e rebahanan. Durante ‘lunch talks,’ nan ta discuti e pregunta, “Kico Hulanda lo perde si e investigacion aki desaparece?”

Un bishita di ANP na algun universidad a revela cu e sector di enseñansa superior ta fuertemente contra e plannan di e gabinete nobo. E partidonan di coalicion kier rebaha e presupuesto di e

Situacion humanitario na Colombia a bira pio na 2024 debi na 8 conflicto



(EFE) – Consecuencianan humanitario di ocho conflicto cu Colombia ta bibando a bira mas intenso y a haya un “deterioro significativo” entre januari y mei ultimo, segun Comité Internacional di Cruz Cora (CICR) a adverti ayera diaranson.

“Den e prome cinco luna di aña, compara cu prome cinco luna di 2023, varios indicado a aumenta di manera contaminacion pa armanan,” e hefe di e delegacion di CICR na Colombia, Lorenzo Caraffi a destaca. Un refleho di e situacion aki ta cu entre januari y mei di e aña aki, CICR a registra 194

victima di diferente tipo di artefacto explosivo, un crecemento di 35% compara cu e mesun periodo di 2023. Tambe cu 69% di e victimanan ta coresponde na civilnan y ta “e porcentahe mas halto registra den ultimo seis aña,” segun e organisacion internacional a señala. “Esaki como resultado di aumento di accionnan arma den algun zona di e pais y e lucha teritorial entre esnan arma cu no ta di Estado,” e rapport ta bisa. E comite a agrega cu: “Indicadornan di e diferente problematica ta muestra e realidad compleho cu comunidannan di varios teritorio ta enfrenta, sinembargo, e cifranan no ta

alcansa refleha e temor, incertidumbre y sufrimento cu miles di hende ta experimenta.” Un otro aspecto relevante ta aumento di contaminacion pa armanan. Di 43 municipio den cual a presenta accidentenan cu artefactonan explosivo den aña aki, 15 no a reporta victimanan na 2023. Esey ta nifica cu “e fenomeno ta sigui crece na zona nobo di e pais.” Igualmente, den e prome cinco luna tabatin 31,832 persona cu a ser aisla, un aumento di 101% compara cu e mesun periodo na 2023. 26,753 tabata victima di des-

plasmamento forsa, un 49% mas cu aña pasa. Pa CICR ta preocupante cu e problematica aki lo por tin un impacto mayor den poblacionnan etnico, por ehemplo, mas di e 60% di casonan ta pertenece na comunidannan indigena of afrodescendiente. “Na e situacion humanitario hopi compleho aki ta uni e persistencia di e fenomeno di desaparicion. Entre januari y mei 2024, CICR a documenta 78 caso di desaparicion relaciona cu conflictonan arma y violencia cu a sucede den e lunanan ey,” e organismo a reporta cu aña pasa a reporta 222.

Rapport tambe ta muestra cu e prome cinco luna di aña a reporta 116 acto violento contra esnan cu ta cherce funcionnan den salud. “Di e eventonan aki, 73 a sucede den marco di conflictonan arma, unda Cauca ta e departamento mas afecta pa e situacion, eynan a registra 41% di e casonan. CICR a insisti na esnan envolvi den conflicto pa respeta e derecho internacional humanitario y garantisa e proteccion cu e tipo di norma ta concede na esnan cu no ta participa of a stop di participa den dje.



Ecuador: Presidente Noboa ta bolbe decreta estado di excepcion nobo despues cu e dos anterior a ser revoca

(El Tiempo) – Presidente di Ecuador, Daniel Noboa, diamars ultimo a bolbe decreta pa di tres biaha un estado di excepcion na un parti di e teritorio di e pais, despues cu e dos anterior a ser revoca pa Corte Constitucional, ora a considera cu e medida no tabatin suficiente argumento.

Estado di excepcion nobo do 60 dia ta abarca seis provincia (Guayas, Los Ríos, Manabí, Orellana, Santa Elena y El Oro) y municipio Camilo Ponce Enríquez, un area minero na e provincia Andino di Azuay na unda na april ultimo a ser asesina e alcalde y e siman aki a haya ocho curpa cu señalnan di tortura. Den teritorionan aki, e medida ta contempla e suspension di derechonan di no drenta den casnan, libertad di union, entre otro den cual e decreto di 50 blachi ta fundamenta e



declaratorio aki. Tambe ta implica e mobili-sacion di Força Arma y Polis Nacional pa ehecuta operacionnan contra gruponan di crimen organisa, na e cual Noboa a declara “e guerra” for di comienso di aña ora a aumenta e lucha contra nan cu

un “conflicto arma interno” y a denomina nan gruponan terrorista. Presidencia di Ecuador a destaca den un comunicado cu den ocasion aki e decreto di estado di excepcion “ta conta cu respaldo di Asocion Mundial di Huristanan

(WJA, na Ingles). E decreto di estado di excepcion ta establece cu Corte Constitucional lo por tin acceso na rapportnan secreto di autoridannan di Gobierno den caso cu lo mester check nan pa evalua e pertinencia di e medida, sin cu lo supone e

desclasificacion y acceso na publico na nan. Corte Constitucional a valida e prome estado di excepcion decreta pa Noboa na comienso di aña y a keda vigente durante 90 dia den tur e pais, emiti debi na un spiraal di violencia di gruponan criminal cu a inclui enfrentamentonan simultaneo den varios prison di e pais cu 200 rehen y e tuma di e canal di television TC di parti di un grupo di homber arma durante un noticiero en bibo. Despues, Noboa a emiti dos estado di excepcion enfoca na varios provincia, pero den ambos caso e tribunal constitucional a considera cu “hechonan menciona den e decreto no ta configura e causa di conflicto arma interno.” Magistradonan a resalta cu pa e decreto mas reciente, e argumento di conflicto arma interno “tabata e unico rason cu e presidente di republica por a solicita.”

Negociado de Energia ta aproba aumento nobo den e recibo di energia electrico

(ElNuevoDia) - E Negociado de Energia a aproba diadomingo e factornan di ahuste trimestral pa compra di combustibel y di energia presenta pa LUMA Energy, mediante cual e factura di electricidad ta bay registra un aumento di 1.05 cent for di 1 di juli te cu 30 di september di e aña aki.

Segun e resolucion emiti pa e Negociado, e resultado di e aprobacion ta bay ta un prijs, pa un cliente residencial promedio cu un consumo di 800kWh pa luna, di 23.77 cent pa kWh, na luga di e 24.08 solicita originalmente pa e corporacion encarga di e transmision y distribucion di energia electrico na Puerto Rico.

“Pa motibo di discrepancian an determina cu ta asocia cu e clausula di compra di energia identifica pa e Negociado de Energia durante e proceso di evaluacion, a aproba e ahuste trimestral 1.3% mas abou cu esun solicita,” e comunicado



ta bisa.

Segun e entidad, e aprobacion di e propuesta ta consisti di un ahuste pa e consumidor di 4.7% den comparacion cu e costo actual di 22.72 cent.

E resolucion di e Negociado

ta splica cu loke LUMA a factura pa e concepto di compra di combustibel durante e trimestre cu a pasa tabata bou di e costo real pa un total di \$56.663.337.

Segun e agencia, e cantidad ey ta wordo recupera den e

factura durante e trimestre cu ta cuminsa for di 1 di juli. Na mesun momento, e dependencia publico a detaya cu e corporacion a factura \$8.294.423 mas halto pa e concepto di compra di energia, cantidad cu nan lo acredita na e clientenan riba nan

cuenta durante e proximo trimestre.

“E rol di e Negociado ta haci un balans cu ta pro di e interes publico. Esey ta implica keda pendiente cu no ta pasa gastonan excesivo na e consumidor, pero mescos ta nifica tambe evita e irresponsabilidadnan gerencial cu a hiba e Autoridad na bancarota. Den e reconciliacion aki, e Negociado a evita un aumento mas grandi cu esun necesario, pero a haya su mes den obligacion di recupera tur e costonan asocia na e compra di combustibel,” e presidente di e Negociado, e ingeniero y tambe abogado Edison Aviles Deliz, a bisa den declaracionnan por escrito.

LUMA a entrega e propuesta di ahuste di tarifa dia 21 di juni ultimo despues cu e Negociado a concede nan un extension pa nan somete e documentacion solicita.

Trinidad y Tobago: HDC ta continua cu campaña pa cobra debenan di huur atrasa

(TrinidadExpress) - Housing Development Corporation (HDC) lo continua cu e desaloho como parti di su strategia pa colecta \$241.73 miyon cu e tin cu ricibi pa huur no paga.

No lo tin niun pordon di debe pa e huurdonan delincuente, Minister di Vivienda y Desaroyo Urbano Camille Robinson-Regis a bisa ayera, den su respuesta na preguntanan di Senador UNC Wade Mark den Senado.

“E Ministerio di Vivienda y Desaroyo Urbano ta kere cu e implementacion continuo di e strategia di desaloho lo mehora e coleccion di pagonan atrasa na e Corporacion,” el a bisa.

El a sigui bisa cu pa april 30, 2024, e debenan di huurdonan cu a keda desaloha tabata varia di \$22,000 pa \$128,000.

E periodonan di debe pa huurdonan tabata varia di 2.5 aña (pa un huurdo cu un debe di \$45,000) pa aproximadamente shete aña (pa un



huurdo cu debe \$128,000), el a bisa.

El a bisa cu pa cumpli su responsabilidad pa contribuyentenan, e HDC mester colecta e debenan cu ta habri.

Pa april 30, 2024, e debenan tabata manera lo siguiente: Huurkoop, \$2,105,914.32; Licencia pa ocupa unidadnan, \$91,478,355.66; Unidad hipotecario interno, \$67,712,621.19; pa Propiedad

Comercial, \$3,690,186.92.

Robinson-Regis a bisa cu e campaña di coleccion a duna resultadonan significant, cu un total di aproximadamente \$9 miyon colecta di huurdonan den april 2024.

El a bisa cu despues cu HDC a cuminsa cu e desalohamentonan, e coleccion promedio pa luna pa e ultimo nuebe luna (juli 2023 pa maart 2024), cu excepcion di no-

vember y december 2023, tabata aproximadamente \$6 miyon.

Robinson-Regis a bisa contrario na e afirmacion contene den e pregunta di Mark, e desalohamento no tabatin diripiente. HDC a sigui un proceso structura transparente sigurando cu huurdonan ta ricibi notificacion suficiente y multiple oportunidad pa drecha nan debenan prome cu un desaloho tuma lugar.

Robinson-Regis a bisa cu desde 2009 tin 394 desalohamento for di unidadnan di HDC. El a bisa cu den 2009, tabatin 18; den 2010 tabatin 20; den 2011 tabatin 28; den 2012 tabatin 33; den 2015 tabatin ocho; den 2016 tabatin 15; den 2017, 80; den 2018, 14; den 2019, 90; den 2022, 13; den 2022 tabatin 13; den 2023 tabatin shete; y den 2024 te awor tabatin 23, cinco di e 23 aki tabata pa ocupa ilegalmente, 17 pa debe y uno pa huur na otro persona.

Di e 394 desalohamento cu a tuma lugar den e periodo di 2009 pa 2024, 376 tabata pa ocupa ilegalmente. Den 2024, e desalohonan tabata pa debenan y pa huur na otro.

El a bisa cu e HDC, den colaboracion cu su subsidiario, Asset Management Company Ltd AMCoL), tabata sigui su campaña di coleccion rond di e pais. Desde su comienso den 2005, e HDC a desaloha den su mayoria ocupacionnan ilegal di unidadnan di HDC of debenan di huur.

9 estudiante di Aruba a ricibi beca di reino

Uzo di e prome Beca di Reino (Koninkrijksbeurs). Entrante 1 di september proximo e studiantenan lo cuminsa cu nan intercambio di estudio of pasantia na un di e paisnan den Reino Hulandes.

Manera ta conoci, na luna di januari 2023, Minister di Enseñansa saliente di Hulanda Sr. Robbert Dijkgraaf tabata na Aruba, unda cu a anuncia e proyecto di Beca di Reino. “Hulanda a aproba 500 mil Euro pa aña pa e Koninkrijk Mobiliteit Beurs. E intercambio aki ta brinda e studiantenan di EPI y Universidad di Aruba e oportunidad pa haci nan pasantia of intercambio di estudio di seis luna na Hulanda. E ora e estudiante ta mas sigur si nan a gusta Hulanda pa continua cu nan estudio.

E Beca di Reino ta un programa di movilidad pa tur estudiante den Reino Hulan-



des y ta diseña pa haci posibel e intercambio di estudiante pa un tempo cortico, asina e di porcentahe di exito mucho mas halto”, Minister Endy Croes a subraya. Esaki cu e meta pa evita dropout y desapunto na momento cu e estudiante scoge pa haci un estudio completo den exterior. Despues di tur e trabounan realisa a otorga na 9 estudiante, di cual 8 di EPI y 1 di Universidad di Aruba e Beca di Reino pa bay Hulanda cu tur gasto paga. Otro aña lo

tin 120 cupo disponibel entre Curaçao, Sint Maarten y Aruba pa e proyecto aki. “Mi kier motiva e studiantenan di IPA, EPI y Universidad di Aruba pa aplica na tempo e Beca di Reino pa bin na remarke den e proximo grupo”, Minister Endy Croes a expresa. Por ultimo, e mandatario di Enseñansa y Deporte ta gradici coleganan Minister di Reino Hulandes, specialmente Minister di Enseñansa saliente di Hulanda Sr. Robbert Dijkgraaf pa haci e proyecto



aki posibel. Tambe Minister Endy Croes ta gradici e stururgroep, Departamento di Enseñansa, IPA, EPI y Universidad di Aruba pa nan ex-

celente colaboracion y trabou di ekipo. “Masha pabien na e studiantenan y hopi exito na Hulanda”, Minister Endy Croes a termina.

Rotaract Club of Aruba a instala Directiva nobo pa aña 2024-2025

Dia 29 di juni ultimo a tuma lugar e instalacion di e Directiva nobo di Rotaract Club of Aruba pa aña Rotario 2024-2025. E evento a tuma lugar na Aruba Marriott Resort & Stellaris Casino. Presidente di Rotaract Club of Aruba a scoge e tema “Creating Impact”.

A tuma lugar un reconocimiento special na miembronan di Rotaract Club of Aruba pa nan “outstanding performance” durante aña 2023 – 2024. E miembro Luisa Arcila, a wordo scogi como “Rotaractor of the Year”. Alabes, a sigui cu e reconocimiento pa e “Project of the Year”. E proyecto di aña a resulta di ta “Back 2 School” cual tabata un proyecto unda cu ta yuda mucha nan cu un tas di scol y alabes ta organisa un dia cu actividad nan cu e un grupo selecta di mucha. Despues di esaki, Presidente saliente Shawn Lopez a duna un resumen di e proyectonan y actividadnan realisa den aña 2023-2024. Rotaract ta duna su miembronan e oportunidad pa desaroya nan abilidadnan di liderazgo y alabes yuda nos comunidad y esnan mas vulnerable. Alabes a gradici tur cu a aporta na e proyectonan di e aña y tambe un danki special na e Directiva saliente.

E anochi a continua cu e instalacion di e Directiva nobo pa e aña 2024- 2025, cuminsando cu e “pinning” di e Presidente pa e aña venidero, Karel Arends, sigui pa Luisa Arcila como Vice-President, Charelle Felix como Tesorero, Dilynn Pom como Secretaria, Kiara van Trikt como Community Service and Professional Development Director y Immediate

Past President Shawn Lopez. E Presidente nobo Karel Arends, a enfatisa riba e tema di e aña aki cu ta “Creating Impact” y cu lo enfoca riba proyecto nan boluntario, crea fondo y tambe pa agrega mas boluntario na e club. E lo guia e club e aña aki pa crea un impacto positivo den nos comunidad di Aruba.

Alabes, Karel a bolbe enfatisa e vision cu a keda crea pa Rotaract Club of Aruba: “To be recognized as diverse, fun and compassionate Rotaractors, who are committed to make an impactful difference in the Aruban and international community through service, fellowship and innovation while developing future leaders.”

E tema di e aña aki pa Rotary ta “The Magic of Rotary” y e magia aki nos kier demostra den nos club di profesional nan hoben caminda cu nos lo enfoca riba crea impacto nan magico cu nos proyecto y iniciativa nan durante aña.

Tambe nos ta desea di continua cu e bon relacion entre Rotary Club of Aruba y tur Interact club na Aruba. E bon relacion cu e stakeholders local cu ta haci tur e proyectonan posibel. Karel su meta ta pa e proyectonan comunitario cu Rotaract ta conoci p’e ta creativo, positivo y impactante pa asina yuda esnan cu mas necesidad den nos comunidad.

Rotaract Club of Aruba kier a gradici Rotary Club of Aruba y tur otro persona cu a forma parti di e anochi di instalacion aki.

Por bishita www.rotaractaruba.com, nos Facebook page y tambe nos Instagram page pa conoce mas di e club y su proyecto nan.

Aruba Bank a organisa un exitoso “Branch Brawl Soccer Edition”

Camacuri Branch ta triunfa riba Hato Branch



Aruba Bank ta contento pa comparti e exitoso “Branch Brawl Soccer Edition”, cu a tuma lugar recientemente na Compleho Deportivo Franklyn Bareño. Empleadonan di nos branch di Camacuri y Hato a competi den un parti amical y bon anima. Camacuri a sali victorioso cu un score di 4-3, demostrando nan “teamwork” deportivo.

Un evento asina ta parti di e compromiso di Aruba Bank pa cu su empleadonan. A duna un oportunidad pa e participantenan uni forsa despues di trabou, promoviendo un estilo di bida saludabel y activo mientras cu nan ta reforsa balornan di ekipo, dedicacion, y respet mutuo.

E evento a ser atendi pa famia y amigonan di empleado, creando un ambiente anima. Esnan cu a yega veld a disfruta un anochi di diversion.

Aruba Bank ta expresa su gratitud na tur participante y organisadornan cu a contribui na e exito di e evento aki. Nos ta spera mas actividadnan manera esaki den futuro.



2 homber aresta riba caya publico na rancho di Oprah bao sospecha di caza ilegal

(AP) - 2 homber deteni luna pasa riba un caya publico dentro di Oprah Winfrey su propiedad na e isla di Maui ta sospecha di caza ilegal haci anochi, oficialnan a informa dialuna.

E dos homber di Maui, ambos di 19 aña, a keda deteni net prome cu marduga dia 21 di juni despues cu e oficialnan a mira nan ta usa un spotlight pa cazamento riba un caya publico cu ta core via Winfrey su rancho na Kula, Department of Land and Natural Resources a bisa den un comunicado.

Mientras cu no a gara nan ta caza activamente, oficialnan a haya un shotgun y rifle carga



den e par su truck, y Winfrey su rancho ta rondona e caya unda nan a ser para, e estado a informa.

Hombenan tambe a keda deteni bao sospecha di cazamento riba tereno priva sin permiso, di no tin un licencia pa esaki y otro violacionnan.

Un di nan tambe a keda deteni pa un rifle semi-automatiko cu no ta registra.

Bina invasivo ta core na Maui y otro islanan di Hawaii. Maui County su fiscalnan lo evalua e caso y determina si lo tin algun acusacion formal y criminal. Recordnan ta mus-



tra cu e mesun hombernan en cuestion aki a keda laga den libertad pa motibo cu e investigacion ta andando segun e oficialnan di county, e oficialnan a bisa.

“Luna pasa, DLNR a acerca Upcountry su granheronan tocante nan esfeursonan pa

preveni poaching ilegal den e area y a acepta coopera. E detencionnan aki no a tuma luga riba e propiedad,” Winfrey su compania di produccion Harpo, a bisa dialuna den un declaracion via email.

Usher y Janet Jackson lo headline e di 30 Essence Festival of Culture



(AP) - E miho di e cultura di hende color scur su creadornan di politica, lidernan di pensamento, expertonan y talento musical lo reuni na New Orleans durante e fin di siman di Fouth of July como parti di Essence Festival of Culture.

E festival ta cuminsa diahuebs y ta dura te cu diadomingo. E aña aki e ta celebra 30 aña di entretenimento, creacion di red y combersacionnan cu ta provoca pensamentonan pa inspira solucionnan pa problemanan cu comunidadnan urbano ta enfrenta. E meta

cu ta forma e fundeshi ta keda mescos: un fiesta cu un proposito

Vice Presidente Kamala Harris tin e plan di tin un combersacion cu Essence su CEO Caroline Wanga durante Global Back Economic Forum riba diasabra na e festival. E bishita ta bin den medio di yamado di algun pa e reemplaso di President Joe Biden despues di su debate. E tipo di e dialogonan aki cu ta cubri un rango amplio di topico por ser anticipa durante e evento.

“E experiencia aki a ser crea pa celebra 25 aña di e revista

Essence y hende muhe di color scur,” Hakeem Holmes, vice presidente di Essence Festival of Culture a bisa. “Hende muhe di color scur a crea e festival aki y nan a inverti den e festival aki. Nan a pasa un bon rato na e festival, a crea relacionnan nobo y a crea rednan, tur na e festival,

y despues a hiba cu nan cas loke nan a siña.”

For di su comienso, e festival a converti den un evento multigeneracional cu ta busca impacta henter famianan, pa medio di ofrece “un poco di tur cos pa tur hende,” Holmes a bisa.

Hopi di e transicion aki, Holmes a bisa, ta danki na e ciudad cu a anfitriona e evento tur aña cu excepcion di un. Den 2006, Houston a anfitriona e evento mientras cu New Orleans a lidia cu e impacto di horcan Katrina.



We Are HIRING

Join Our Award-Winning Team
#21 TOP HOTELS IN THE WORLD ON TRIPADVISOR
THE FIRST CARBON NEUTRAL RESORT IN THE CARIBBEAN

OPEN POSITIONS

- ✓ HOST/HOSTESS (AM/PM)
- ✓ BARTENDER
- ✓ BEACH ATTENDANT
- ✓ FRONT OFFICE SUPERVISOR
- ✓ CONCIERGE/FRONT DESK AGENT
- ✓ HOUSEKEEPING SUPERVISOR
- ✓ ROOM ATTENDANT
- ✓ HOUSEMAN
- ✓ SUSTAINABILITY MANAGER
- ✓ SALES & MARKETING DIRECTOR
- ✓ HR COORDINATOR

BENEFITS

ATTRACTIVE SALARIES
WITH VARIOUS BONUS OPPORTUNITIES
5-DAY WORKWEEK (40-HOURS A WEEK)
WITH UP TO 27 VACATION DAYS BASED ON YEARS OF SERVICE
GYM MEMBERSHIP WITH BODYZONE AND CUTS & CURVES
+ LIFE AND HEALTH INSURANCES
SAVINGS & LOAN PROGRAM, EMPLOYEE DISCOUNTS AT TARA ECO,
A MAJOR LOCAL SUPERMARKET AND GARAGE





APPLY ONLINE AT: WWW.BUCUTI.COM/CAREERS

Opinion ta un seccion di **Bon Dia Aruba** specialmente pa brinda oportunidad na lectoran individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organizacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

OPINION



E adulto mayor tambe ta inclui den plan di preparacion pa un posibel horcan?

Skirbi pa Drs. Melva Croes-Yáñez (Presidente F.A.A.)

E siman aki a sali un comunicado di Meteo Aruba (CMO) cu merece contesta riba e siguiente Preguntan y Observacion.

Den e comunicado aki ta wordo bisa cu:

a) Meteo Aruba (CMO) y partnernan den region lo keda den e fase di monitor te cu diamars pa cualkier desaroyo inusual cu horcan Beryl.

Comentario (a): Esaki no necesariamente kiermen cu no mester prepara comunidad pa horcan na tempo (prome cu temporada di horcan cuminsa)

b) CMO lo keda informa e comunidad a traves di prensa local di cualkier desaroyo di horcan Beryl, den caso cu lo por tin impacto ariba Aruba.

Awor caba Beryl ta categoria 4 y segun datos (di CMO) actual horcan Beryl lo pasa nort di Aruba, na un distancia di 530 km.

Comentario (b): Esaki no kiermen cu comunidad, incluso adultonan mayor y cuidadornan no mester ta prepara pa un horcan!

c) Pa awor CMO ta

conseha, pa no bay den ningun Panico Innecesario.

Comentario (c): “Sin Panico Innecesario”. No ta kita cu, den periodo di horcan comunidad mester ta prepara debidamente, (anto prome cu periodo di horcan cuminsa mes!), pa cualkier efecto di awa y biento di horcan. Ta hustamente informacion debido ta trece siguridad y reduci panico innecesario y reduci e cantidad di incidentenan fatal di adultonan mayor drasticamente.

Pregunta 1: Fuera di Instituton “bon prepara”, den e ultimo siman di mei, (cu a pasa) esta “Week van de Crisisbeheersing”, den e islanan Caribense di Reinado (incluso Aruba), con ta para cu comunicacion cu e adultonan mayor mes (y cuidador na cas)? Tin un guia na Papiamentu/Ingles y Spaño di esaki, cu ta informa y prepara Adultonan Mayor (cuidador famia) debidamente pa un Posibel evento di Emergencia y su posibel consecuencianan?? Unda por haja e guia aki?

Pregunta 2: CMO ta na altura cu ta hustamente inseguridad y no ta bon informa y prepara, na tempo, y mester warda te na ultimo ora pa

comision di calamidad saca su anuncio, ta causa

principal di stress y panico? Y cu esaki na su turno por tin repercusion pa e estado cognitivo, (incluso memoria), salud di, entre otro: esnan cu diabetes, y sigur pa e adultonan mayor, dependiente di cuidu?

Pregunta 3: CMO y minister di Asuntonan di Adulto Mayor ta realiza cu ora panico drenta curpa ningun hende, tampoco e adulto mayor, por absorba informacion optimal? Corda pensa di bay core busca corant pa lesa, con anda den caos (riba dje cu letter font chikito).

Pregunta 4: Quovadis esnan, por ehempel den rolstul, uso di protesis, etc. (cu dificultad pa move/actua lihe). Tambe esnan cu no por mancha informe digital, social-media of cu no tin internet/Whatsapp, wifi, mes? E adulto mayoran aki (y posibel cuidador) tambe ya ta na altura y a wordo prepara con actua segun e Plan Nacional aki?

Pregunta 5: Quovadis esnan cu deficiencia y/of trastorno (neuro)cognitivo? Of esnan na cama, na cas y/of esnan isola na cas? Tin cifras cuanto adulto mayor ta dependiente



di cuidu na cas? E localidad di e grupo aki a wordo inclui den e Plan Nacional aki? E adulto mayoran aki y nan cuidadornan, tambe a wordo instrui y inclui den preparacion necesario, prome cu periodo di horcan?

Pregunta 6: Aruba tin un “Plan di Recuperacion Nacional” (=pa e periodo despues di horcan) cu ta inclui y tene cuenta cu e adulto mayor? E plan di recuperacion di desaster aki ta conoci pa comunidad incluso adultonan mayor na cas?

Pregunta 7: Gobierno a siña di loke a sosode na otro paisnan manera:

- New Orleans: KATRINA 2005; Categoria 5; mas cu 1,390 morto; mayoria (729) adulto mayor).
- Puerto Rico, horcan MARIA: Categoria 4: Sep-

tember 2017; 3,000 morto, cual mayoria adulto mayor), - IRMA: 2017, Categoria 5, total 217 morto; atrobe mayoria adulto mayor (incl. St. Martin cu mas o menos 8 Morto).

Segun raportnan di entre otro di e Organizacion di Nacionnan Uni, e mortonan aki por a wordo preveni, si gobiernonan di e respectivo estadonan a actua responsabel y tuma inclusion di e adulto mayor, den su Plan Nacional y Prevencion den crises, conforme United Nations/ONU y basa riba experiancia di crises di horcannan anterior. Un plan cu a wordo trata durante SEMINARIO-2, di Fundacion Alzheimer Aruba, na San Nicolas cu e Lema: San Nicolas “Say No Excuse for Elder Abuse”.

Skirbi pa Robert Arends

Ley di “inkomstenbelasting” ta discrimina entre casa y no-casa

Historia di emancipacion di hende muhe a caracteriza su mes den un pelea di hende muhe pa logra trato igual cu hende homber den tur tereno. Pero ora a yega na toca e desigualdad den ley di inkomstenbelasting tur hende muhe casa cu a/ta bringa pa igualdad a bira ciego y mudo.

Kico ta e caso?

Ley di inkomstenbelasting ta exigi di tur pareha casa cu nan mester conta nan dos entrada/inkomen nan hunto y ariba e total di e dos entradanan hunto e pareha ta paga un inkomstenbelasting.

Hendenan “no- casa” ta paga inkomstenbelasting riba nan entrada/inkomen individual (di nan so), maske nan por ta biba (no-casa) cu otro hende.

E situacion caminda e ley general di inkomstenbelasting ta trata hendenan “casa” diferente for di hendenan “no-casa” ta claramente un forma di discriminacion cu a keda existi (conscientemente of no) aunke e hende muhe a bringa pa emancipacion. Den e caso aki e hende muhe casa no a emancipa y a keda acepta di ta mara na e hende homber (of e hende homber na e hende muhe).

E pregunta principal cu expertonan financiero di belasting kizas por splica ta: “Paki ora dos persona ta casa cu otro, nan mester conta nan entradanan personal hunto y paga UN inkomstenbelasting como UN persona so, mientras dos persona “no-casa” mester paga inkomstenbelasting cada uno apart, individual, riba su propio entrada maske nan ta biba hunto.

E sistema discriminatorio aki den ley di inkomstenbelasting ta “bentahoso” of “desbentahoso” pa cua grupo? Bentahoso pa e grupo di hendenan casa cu hopi entrada y

desbentahoso pa e grupo di hendenan casa cu poco entrada? E mester ta bentahoso pa un grupo di persona cu e ta hinca ainda den un ley general cu mester conta pa tur hende (casa of no-casa) di forma igual.

E forma husto, corecto y di trato igual ta a cambia e ley di inkomstenbelasting pa aplica e ley pa cada persona individual y asina elimina e discriminacion cu tin actualmente den e ley entre hende casa y hende no-casa.

Cu e cambio aki e aplicacion di e ley di inkomstenbelasting

door di DIMP ta bira—aplica di forma igual pa tur hende—mas igual pa tur hende y mas facil pa aplica cu hopi menos gasto pa Gobierno, pasobra no mester haci e distincion mas entre hende casa y hende no-casa.

Gobierno y/of Parlamento por duna pueblo un splicacion pakico e “desigualdad/discriminacion” entre hende casa y hende no-casa ta existi ainda den e ley di inkomstenbelasting?

Alumnonan di aña 3 di scol basico a haal nan examen di landamento cu exito

Dialuna ultimo, Minister di Enseñansa y Deporte Endy Croes a acudi na Piscina Olimpico Roly Bisslik na Savaneta, unda e alumnonan di aña 3 di scol basico a haci nan examen di landamento.

Esaki ta un proyecto cu a inicia mas di 30 aña pasa, unda ta brinda tur alumno di aña 3 di scol basico les di landamento un (1) bes pa siman y ta haya nan diploma final di aña escolar.

Un total di 700 pa 800 alum-

no di tur scol basico a haci e examen di landamento na Aruba. Minister Croes ta gradici tur instructor di landamento pa nan dedicacion, pasion y amor durante cada

les. Alabes, ta felicita tur muchacha cu a haal nan diploma di

landamento cu exito e aña escolar aki.



Argentina sin Messi den Olimpiada *Alvarez y Otamendi selecta pa Weganan na Paris*

(AP) — Lionel Messi no ta bay ta den tam di Argentina pa Olimpiada, cu ta cuminsa e luna aki na Paris.

Coach Javier Mascherano a inclui cuatro ganador d Mundial den e team anuncia diamars, incluyendo delantero Julian Alvarez y defensa Nicolas Otamendi.

Messi, 37, kende a haya dificultad cu lesionnan e aña aki, awo ta hungando den Copa America, cu meta pa defende e titulo continental cu el a



gana na 2021. E victoria aki a sirbi como un plataforma

pa Argentina hisa e trofeo di Mundial na 2022.

Messi a gana e medaya di oro na Beijing na 2008 den su unico campaña Olimpico.

E torneo di futbol masculino den Olimpiada ta pa teamnan U-23, pero tres hungador di mayor edad ta permiti den cada team.

Mascherano, kende a gana medaya di oro Olimpico como hungador na 2004 y 2008, ta bay agrega portero Geronimo Rulli, Otamendi y Alvarez na su team despues di

final di e Copa America.

Centrocampista Claudio Echeverri, un contratacion reciente pa Manchester City for di River Plate, tambe ta bay join.

Argentina ta bay hunga dos partido amistoso na Francia prome cu su apertura di torneo di futbol Olimpico contra Maroco dia 24 di juli. Argentina y Maroco ta den Grupo B hunto cu Irak y Ucrania.

Colombia ta empata 1-1 cu Brazil den Copa America

(AP) — Coach di Colombia, Nestor Lorenzo a reta su team pa keda skerpi y yen di energia durante cada momento fisico y emocional contra e poderoso Brazil, sobrepasando dos mita cayente di futbol y casi otro 10 minuut di tempo extra.

Daniel Muñoz a anota e gol di empate den tempo extra di prome mita, y Colombia a gana su grupo den prome ronda den Copa America cu un empate 1-1 contra Brazil diamars anochi cu a extende su racha invicto na 26 wega.

Portero di Colombia, Camilo Vargas a scapa e chens final di Brazil riba un tiro di Andreas Pereira den di cinco minuut di tempo extra di segundo mita.

Colombia ta bay enfrenta Panama den e quart final di asabrá na Glendale, Arizona, mientras Brazil a cay den loke

ta parce di ta un wega mas difcil contra Uruguay e mesun anochi na Las Vegas.

Los Cafeteros a caba cu siete punto compara cu e cinco di Brazil.

Un publico di 70,971 a presencia e wega, y e 24 wega di etapa di grupo a atrae 1,115,400 persona pa un averahe di 46,475.

Bay Area ta enfrentando advertencia pa calor excesivo y e temperatura na inicio di e partido tabata alrededor di 36,6 grado Celsius - maske como mita di e cancha na un banda tabatin sombra.

Brazil, un team asina custuma pa busca campeonato en e evento aki, ta enfrenta un caminda mas difcil sin un victoria riba Colombia. E Selecao a captura nueve titulo di Copa America y tabata finalista den e torneo na 2021.



Colombia ya a sigura su lugar den e quart final y tin un racha di 26 partido invicto - incluyendo un victoria 5-1 contra Merca den un partido

amistoso prome cu e torneo, mientras Brazil a resigna cu un empate 1-1 cu e Mericanonan cuatro dia despues.

Colombia a derota Brazil 2-1

aña pasa den clasificacion Sur Americano y nan prome encuentro desde tres partido na 2021, ora Brazil a derota Colombia 2-1 den Copa America.

ASML ta permiti expande rond di barionan apesar di keho di e residentenan

(NLTimes)- Fabricante di ASML ta permiti sigui su plan di expansion na e bario di Veldhoven. Dos residente di e area a desafia e plan di zona dilanti Administrative Jurisdiction Division di Consejo di Estado. Nan ta preocupa cu strobamento di trafico y zonido.

E caso tabata tocante e plan di zona pa De Run 7000. Esaki ta un area entre Kempenbaan na Veldhoven y e carretera A67, di cual parti ta usa caba pa ASML. E compania kier construi e asina yama clean room, cual ta espacio unda te hasta e particulanan mas chikito di stof ta purifica for di e aire. ASML tin intencion di produci su mashinnan di chip mas nobo den e area



aki. Corte municipal na Veldhoven a aproba e plan aki na fin di 2022.

E residentenan cu ta contra e

plan ta biba panort di ASML na otro banda di Kempenbaan. Entre otro, nan tabata kier pa construi e edificio

nobo parcialmente bao tera pa siña e edificionan ta menos halto. Sinembargo esaki no ta posibel segun e conseho

di estado. “ASML su proceso di negoshi ta asina cu e mashinnan ta crea di manera refina y cu e sensibilidad asocia. E ta precisamente pa e motibo aki cu tur area di produccion di ASML ta localisa na e mesun altura,” e hues a bisa.

Administrative Jurisdiction Division tambe ta pensa cu e strobamento di zonido lo permanece bao control. E hues a referi na e zonidonan duro cu ta bini for di trafico na Kempenbaan y e carretera A67.

“E nivel di zonido cu ta resulta di ASML su actividadnan y instalacionnan ta marca pa e nivel di zonido cu ta resulta for di trafico riba caya” riba e carteranan aki en particular, e hues a bisa.

Algoritmonan cu ta discrimina te ainda ta un problema grandi na Hulanda



(NLTimes) - Apesar di Dutch Data Protection Authority (AP) su spliacion varios biaha den 2023 tocante con algoritmonan discriminatorio a causa miseria amplio den e scandal di bijstand, e vigilante di privacidad te ainda tabatin den su man e topico aki.

E algoritmo y discriminacion a sigui hunga un rol grandi den AP su trabao den 2023, el a bisa den su rapport anual.

“E gobierno su hamber pa data aparentemente no a ser conteni,” presidente di AP Aleid Wolfsen a bisa.

Den 2023, a resulta cu varios organisacion di gobierno a sigui usa e algoritmonan aki, AP a bisa. El a menciona DUO cu ta usa un algoritmo cu ta discrimina pa detecta fraude cu e prestamo na studiantenan. E agencia di beneficio UWV ilegalmente a usa un algoritmo pa detecta fraude den beneficio pa

hendenan cu no tin empleo. Varios municipalidad a usa e algoritmo “fraud scorecard” ilegalmente a pesar di sa tocante su riesgonan. A resulta cu polis a usa e paspoort di miles di stranhero inocente pa su base di data di reconocimiento facial.

“Esaki ta probabel di ta tiki compara cu tur loke tin,” Wolfsen a bisa. “E gobierno su hamber pa data aparentemente a ser conteni un poco.” El a agrega cu algorit-

monan y inteligencia artificial por obviamente haci hopi bon. “Sinembargo como un sociedad, nos mester semper ta hopi alerta na e riesgo di algoritmonan, incluyendo discriminacion. Di e manera aki institucionnan di gobierno no ta destrui hende su bida atrobe y ta mantene nos regla di ley y ta proteha nos derechonan fundamental.”

AP a ripara cu e gobierno cada biaha ta contrata mas agencianan di investigacion pa investiga su propio violacion di privacidad. “Mientras cu AP, como un supervisor independiente, ta e partido apropia pa checuta e investigacion aki.” E vigilante ta admiti cu un investigacion priva na cierto momento ta necesario a causa di AP su capacidad limita. “Sinembargo hopi biaha esaki ta causa un duplicacion di trabao, desperdicio di placa di esnan cu ta paga impuesto y confusion tocante e cuadro di evaluacion corecto. Ademá, e ta nifica cu agencianan priva algun biaha

ta ricibi acceso na informacion personal cu ta sensitivo durante e tipo di investigacionnan aki.”

Comite parlamentario su investigacion tocante e scandal di bijstand aña pasa a recomenda fortalece AP su funcion como vigilante y aumenta su presupuesto anual pa por lo menos 100 milyon euro. Esaki ta “hopi aprecia,” Wolfsen a bisa. “E extra presupuesto lo nifica cu nos por finalmente responde adecuadamente na tur keho, haci e investigacionnan necesario tocante violacionnan di privacidad y tin cada biaha menos y menos necesidad pa “desvia” di e investigacionnan cu comisiona. Esaki ta nifica y segura cu e pueblo di Hulanda lo por ricibi di e proteccion na cual nan tin derecho p’e. E derecho di tin proteccion pa bo data personal ta un derecho fundamental pa un bon motibo y mester honra esaki di tur manera cu ta posibel.”



2 persona a resulta herida den un accidente unda un pick-up a bira dilanti e auto

Dialuna atardi a drenta informe di un accidente cu hende herida na Hooiberg, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda e chauffeur di un pick-up biniendo di pariba a bay bira na man robes sin duna preferencia na e Nissan March cu tabata bini di pabao. E impacto ta-



bata fuerte y e 2 personanan den e March a resulta herida.

Na yegada di e ambulance nan a atende e victimanan.



Chauffeur bao influencia y sin papelnan na ordo kier a bandona e sitio despues di un accidente

Diamars madruga a drenta informe di un accidente na Pitastraat, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda e chauffeur di e Nissan Tiida a bay bira pero como cu e ta bura-chi e no a logra bira bon y a bay dal riba un Hyundai Getz para dilanti e cas. E chauffeur

di e Tiida kier a core bay pero el a ser para den e intento ey.

Polis a test e chauffeur y esaki a surpasa e limite permiti pa por core auto y polis a detene. Ora a bay controla e documentonan di e auto esakinan no tabata na ordo y ademas e chauffeur no tabata tin su rijbewijs cune. Mirando cu e papelnan no tabata na ordo a confisca e vehiculo.



Doño ta wak su auto cu nan a horta un dia prome

Dialuna atardi a drenta informe di cu e doño di un auto horta e dia prome for di Piedra Plat y ta wak e awor na un cas conoci unda sa haya autonan horta, mesora a dirigi patruyanan na e sitio.

Na yegada di e patruya a bin

haya e auto horta para dilanti e cas conoci na Sero Janchi. Ora polis a puntra ken a bay cu e auto niun hende sa ken y cu e auto aki a djijs aparece eynan. Polis mesora a confisca e auto y a laga hib'e na warda di Santa Cruz pa mas investigacion.



Habitante a logra gara ladron den su auto pero ora a yama polis el a huy

Diamars madruga un habitante banda di Sero Patrishi a nota cu tin un ladron den su auto, mesora el a sali y a logra gar'e, pone sinta abao y a film'e.

Ora el a bay yama polis e ladron a logra huy, polis biniendo na e sitio ta logra

gar'e pero atrobe a logra huy. Aunke e habitante a haya tur su pertenencianan bek pero e kier pa tur hende haya sa si mira e individuo aki probablemente e lo ta hortando. Den e ultimo diano aki ela horta na diferente sitio y ta logra scapa.



Polis ta sigui cu nan control den trafico varios boet a ser reparti na Santa Cruz

Dialuna atardi polis a tene un control den trafico na Santa Cruz, esaki den cuadro pa un trafico mas sigur pa un y tur riba ca-

mina.

Durante e control aki varios boet a ser reparti pa varios infraccionnan cometi den

trafico. Percura pa bo documentonan semper ta na ordo pa asina bo evita gastonan innecesario.



A haya mucha chikito canando su so riba caya



Diamars mainta a drenta informe di cu tin un mucha chikito su so canando riba caya den Papilon, mesora a dirigi un patruya na e sitio.

Na yegada di e patruya a bin

topa cu e persona cu a wanta e mucha su man wardando polis. Na yegada di e patruya e persona cu e mucha a subi den e patruya y a bay busca e adres unda e mucha ta biba pa hib'e na su cas.

Accidente cu hende herida pa falta di preferencia na Modanza

Diamars anochi a drenta informe di un accidente cu hende herida na Modanza, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda cu e chauffeur di e Hyundai Accent a lora dilanti un Honda Fit sin a duna preferencia na e Fit y nan a dal den otro. Debi na e fuerte impacto e persona riba e Fit a resulta herida mientras e chauffeur di e Accent a bandona e sitio pero despues di un rato a bolbe y polis a deten'e pa hib'e test na warda. Na yegada di e ambulance nan a atende e victima.



Relaciona cu un investigacion andando recherche a busca e sospechoso J.R.T. pa interrogacion

Diamars mainta recherchenan di distrito 1 a presenta na un adres na Paradera pa asina busca un sospechoso relaciona cu un caso di maltrato y menasa.

Recherchenan a busk'e y riba e mesun dia despues di interrogacion a lag'e bay.



Cacho brabo a morde man di hoben severamente na Maracastraat



Diamars atardi a drenta informe di cu un cacho a morde e man di un hoben severamente na Maracastraat, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di

un caso unda un cacho lo a ataca un hoben y a morde su man severamente. Na yegada di e ambulance nan a atende e victima y a transport'e pa hospital. Ta bon conoci cu den tempo di hopi calor cachonan ta bira hopi agresivo, asina ta tene cuidao ora ta cu e animalnan aki.

Caso di tiramento

Ayer tabatin dos caso di tiramento, un na Madiki y otro na Pindastraat.

Informacion inicial ta indica cu un di nan tabata fatal,

sinembargo, no tabata posible pa haya confirmacion for di autoridadnan. E investigacion di e caso ta den desaroyo.



Adicto ambulante masculino a agredi un otro adicto femenino mand'e hospital

Diamars mainta tempran a drenta informe di un caso di maltrato na Elleboogstraat, mesora a dirigi tanto polis como ambulance na e sitio.

Na yegada di e patruya a bin compronde cu e adicto ambulante "Turnbull" e otro adicto ambulance di fam K. Esaki aparentemente ora e femenino a horta cosnan horta di e adicto masculino. E agresor no tabata na e sitio. Na yegada di e ambulance

nan a atende e adicto herida y a transport'e pa hospital.



“Online Business Workshop” cu informacion valioso pa inversionistanan potencial

Riba 2 di Juli 2024, a tuma lugar un tayer online via Microsoft Teams, cual a toca e tema: “Tax Considerations for Dutch Investors”. E tayer aki ta un di e serie di evento despues di e Aruba Investment Summit maart ultimo na Hulanda. Un evento organisa pa minister Geoffrey Wever cu e meta principal pa atrae mas inversionista na nos isla, specialmente den e area di agricultura comercial como tambe inversion den centro di Oranjestad y San Nicolas.

E sesion informativo aki, facilita pa EY Dutch Caribbean, a ser organisa pa ministerio di Asuntonan Economico con-

huntamente cu e unidad di ARINA (Aruba Investment Agency). ARINA, institui no mucho tempo pasa pa Minister Geoffrey Wever, su meta ta pa yuda guia inversionista potencial pa Aruba. Durante e workshop gratuito aki a duna un bista amplio riba e diferencia sutil entre e leyman fiscal aplicabel na Hulanda y na Aruba, como tambe e similitudnan.

E tayer a provee informacion valioso na e participantenan. Algun topico cu a ricibi atencion durante e sesion aki tabata; Impuesto directo y indirecto, beneficioman fiscal y deduccion di costo, asetonan di inversion na Aruba, Regimen preferencial manera

Freezone, Inversion sostenibel, Desaroyonan reciente den impuesto, pa menciona algun.

“Nos ta spera di por a brinda participantenan informacion necesario pa nan haci nan calculacionnan. Asina, nos por diversifica e “pool” di inversionista na Aruba. E apetito di inversionista ta varia entre paisnan. E beneficio di e diversificacion den inversion aki ta trece cune e expansion di experticio, y esaki ta contribui na esfuersonan directo y indirecto pa diversifica nos economia. E inversionista Hulandes ta conoci pa su experticio den HORECA y tambe agricultura comercial, y ta cu e enfoke aki nos a



bay Hulanda cune” minister Wever a comenta.

E speransa ta cu nan por considera Aruba un destinacion valioso pa inversion. Lo tene mas sesion informativo

den futuro, y tambe lo percura pa amplia e grupo di interer. Danki na Sra. Anushka Lew Jen Tai y Sr. Stefan van Riezen di EY Dutch Caribbean pa facilita e sesion.

Di dos anochi di informacion pa e mayornan cu nan yiu ta inicia klas 1 augustus

proximo

Diahuebs, 4 di juli 6:00 pm na IPA lokaal 4 na San Nicolas


























Manera ta conoci, entrante aña escolar 2024-2025, e alumnonan di klas 1 di scol basico lo siña lesa y skirbi na Papiamentu.

Lo duna Hulandes cu un acercamento nobo cu ta pas mas den e contexto di nos muchanan. E ta científicamente proba cu si e muchanan forma un base fuerte den nan propio idioma, nan por siña e otro idioma hopi mas facil y miho. Ademas, siña lesa y skirbi den idioma materno Papiamentu lo haci cu e muchanan lo comprende loka nan ta skirbi y lesa y lo stimula nan habilidadnan di siña en general.

Esaki lo ta beneficioso pa e muchanan, mirando cu nan lo bira critico di pensamiento y lo ta mas prepara pa duna nan opinion durante les, den nan propio idioma. Tambe nan por conecta miho cu nan raiz cultural. E muchanan lo sinti mas sigur den nan proceso di siñamento, pasobra esaki ta alinia cu nan idioma materno y nan cultura.

En conexion cu esaki, e mayornan cu nan yiu ta cuminsa klas 1 di scol basico pariba di brug aña escolar binidero, ta cordialmente invita pa un anochi di informacion cu ta tuma luga, diahuebs 4 di juli di 6:00 pm pa 7:30 pm na IPA lokaal 4 na San Nicolas.

Resultado Sorteo Juli 03			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
1341	9624	4143	0334
6077	9069	SUPER5	7762
2993	5404	-	6752

MERDIA	ANOCHI		
 Sorteo # 4314 8861 8875 2212  FP  Sorteo # 4315 3591  X2  Sorteo # 2371 8969  Sorteo # 4315 4219 Cancer  Sorteo # 1189 334  X2	 Sorteo # 8284 7896 1274 4502  X2  Sorteo # 7328 8279  FP  Sorteo # 2033 4092  Sorteo # 6087 6230 Piscis  Sorteo # 1017 115  X3	 Sorteo # 2506 0 x Jackpot 1 x Match 4+ 36 x Match 4 1199 x Afl. 12,00  Sorteo # 6521 0 x Jackpot 3 x Match 4 223 x Afl 8,00	04-13-15-20-35 Joker 03 Letter D Proximo Jackpot 1.350.000,- 13-15-21-25-29 Proximo Jackpot 62.000,-  Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl.15,00 330.000,- Afl. 430.000,-   Sorteo # 





Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba

297-588-9999

Rode Kruis Aruba

Pedro Gallegostraat 14
Tel. 297-582-2219

Fax 588-3376

Famia Planea (SBVO)

Avenida Milio J Croes 17
B Aruba

297-588-9591

www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad **San Nicolas**
Hospital **Imsan**
7:00 pm / 10:00 pm **24 ora**

Botica na warda

Oranjestad: **San Nicolas:**
del Pueblo Aloe
Tel. 582 1253 Tel. 584 4606
EMERGENCIA **911**

POLIS

Oranjestad **100**
San Nicolas **104**
Santa Cruz **105**
Noord **107**
Tip Line **11141**
Brandweer **115**
Ambulance **911**
Hospital **527-4000**
Imsan **524-8833**
Warda Costa **913**
Seguridad Nacional **11911**
Cruz Cora **582-2219**

BOTICA

Aloe **584-4606**
4 Centro Medico **584-5794**
Central **585-1965**
Dakota **588-7364**
Del Pueblo **582-1253**
Eagle **587-9011**
Kibrahacha **583-4908**
Maria **585-8145**
Di Servicio Noord **586-4606**
Oduber **582-1780**
Paradera **588-6638**
San Lucas **584-5119**
San Nicolas **584-5712**
Santa Anna **586-8181**
Santa Cruz **585-8028**
Sero Preto **584-4833**
Trupial **583-8560**

UTILIDAD

Setar **117**
Web **525-4600**
Elmar **523-7147**

FUNERARIA

Aurora **588-6699**
Royal Funeral H. **586-4444**
Ad Patres **584-2299**
Olive Tree **584-8888**

Servicio di Taxi

**Aruba Transfer Tour &
Taxi C.A.**

Tel: 582 2116/582 2010

Taxi Adres Services (24h)

Tel. 587 5900

A1 Taxi Services Aruba

Tel: 587-8850

Tel: 280-2828

Whatsapp: 592-7024

Stripper ta demanda Florida a causa di restriccionnan di edad nobo pa empleadonan den entretenimento pa adulto

(AP) - Un hoben di 19 aña y e club unda e tabata traha como un stripper a demanda Florida su procurador general y dos otro fiscal local pa para e aplicacion di un ley di estado nobo unda ta prohibi establecimentonan di entretenimento adulto di tuma trabao na personanan cu tin menos di 21 aña di edad, bisando cu esaki ta den violacion di nan derechonan constitucional.

Serenite Michelle Bushey ta acusa den e demanda cu el a perde su trabao na Cafe Risque den Gainesville despues cu e ley a drenta den efecto riba dialuna pa motibo cu te tin mas di 21 aña. E proposito di e ley ta pa combati trafico humano, segun legisladornan di Florida.

E demanda a keda entrega dialuna den corte federal na Tallahassee di parti di Bushey, e doño di Cafe Risque y dos otro negoshinan adulto na Jacksonville. E ta busca un paro permanente na e ley aki, bisando cu esaki ta den violacion di nan derecho na libertad di expresion y derecho na proteccion igual.

Ademas di Bushey, 8 otro persona cu tin mas di 18 aña pero menos di 21 no por traha na Cafe Risque a causa di e ley nobo. "Di mesun manera cu otro bailarinnan similar den e estado, Bushey tabata cubri su gastonan via e arte di provee entretenimento pa e beneficio y entretenimento di su audiencia," e demanda a bisa. "E demandantenan tin un derecho legal pa checuta den e proteccion di e expresion aki."

E ley nobo aki ta prohibi contrata chef, DJ, waiter y guardianan di seguridad cu tin mas di 18 aña pero menos di 21 aña, of usa empleadonan den e grupo aki di contratistanan pa checuta trabao manera reparacion di aircro of carpinteria segun e demanda.

TA BUSCA

Rimac Construction
ta busca

"Project Coordinator"

Por yama na

Tel. 661 3612

218096



Pronostico di tempo

Tempo:

Awe tardi y awe nochi:
parcialmente nubla cu un awasero breve
Den marduga y mañan:
parcialmente nubla cu algun awasero breve

Temperatura maximo 34
grado celsius

Temperatura minimo 25
grado celsius

Indice di calor (heat index)
den y rond

Di oranan di merdia: 35 pa
40 grado celsius

UV index: 12

Bahada di solo : 7:09 pm

Subida di solo : 6:19 am

Biento:

Moder for di direccion
oost-noordoost te oost-
zuidoost;
Forsa 3 te 4 (12 te 30 km/ora,
7 te 16 nudo).

Durante di dia of den awasero
basta fuerte te posiblemente
fuerte den rafaga;

Forsa 5 te 6 (31 te 50 km/ora,
17 te 27 nudo)

Situacion general di tempo pa proximo 24 ora:

Un tropical wave ta
moviendo den parti oost
di area di Caribe bastante
rapido y lo bay pasa
den area bay west durante
proximo 24 ora. E wave aki
lo trece humedad abundante
y aire instabil den region
local cual por produci algun



awasero cu tambe chens pa
lamper cu strena. awasero
por ta fuerte y causa molester.

Condicionnan maritimo/ estado di lama:

Na partinan proteje di costa:
ketu, rond di 1 pia.

Na partinan zuid: modera te
localmente poco bruto ainda,
entre 3 pa 5 pia den resake.

Na partinan oost te
noordwest di costa: Poco
bruto te bruto cu olanan
alrededor di 6 pa 8 pia den
resake.

Aviso/ alerta:

Un advertencia pa no subi
lama na partinan oost te
noordwest lo ta na vigor pa
botonan chikito te
proximo aviso. Pa e partinan
zuid ta pidi pa bai cu cautela
ya cu resake modera por hasi
e partinan aki localmente
poco bruto. Esaki ta conta
tambe pa usuarionan di lama
y landadonan. Ta pidi pa no
aventura den lama mientras
e advertencia aki ta na vigor.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi luz y salvacion, di ken lo mi tin miedo?”

Cu dolor na nos curazon, pero conforme cu boluntad di Dios, nos ta participa fayecimento di nos ser stima:



Christiaan Cornelis Lanooij
mihor conoci como “Chris”.
*06-12-1952 - †26-06-2024

Na number di su:

Casa: Jane E. Lanooij-de Cuba

Yiunan:
Jamy C. Lanooij
Jeremy C. Lanooij

Rumannan:
Theo Lanooij
Wouter Lanooij

Sobrina: Jennifer Lanooij

Sobrino: Andrew Lanooij

Cuñia: Shirley Lanooij

Tanta: Annie Brouwer-Lanooij

Primo(a)nan:
Carla Vinck y yiunan, Betty Mulder-Vinck y Jan Mulder, Zoilita Vinck, Gerard Brouwer y fam. , Thea Brouwer, Lila Fornerino (†) y casa Norvel Fornerino.

Suegra: Aura V. de Cuba-Arendsz

Demas famia, amistadnan, bisñanan y conocinan na Curaçao, Bonaire, Aruba y Hulanda.

Na tur miembro di coronan:
Coro Antiano, Coro Canta Aruba, Coro Melange y Coro Ars Nova.

Na tur miembro di grupo

Oportunidad pa duna condolencia:
diabierna, 05 juli 2024 na Aurora Funeral Home di 7:00 – 9:00 pm.

Acto di entierro:
diasabra, 06 juli 2024 na misa Sagrado Curazon na Savaneta di 9:00 – 11:30 am, despues pa santana na Sabana Basora.

Despues di entierro no ta ricibi bishita di condolencia na cas.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador, mi n’ tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haya forsa.”
Salmo: 23

Cu dolor na nos curason nos ta anuncio fayecimento di nos mama, wela, bisawela, ruman y tanta stima:



Marian Louisa Andrews
*03-12-1933 - †27-06-2024

Na number di su:
Yiunan:
Orma Tingling-Jackson y esposo Vernon na Merca
Selina Jackson na Merca
David Jackson y señora Vitalinda
Alicia Trinidad-Jackson y esposo Siegfried
Rosalva Jackson
Clarina Jackson
Lorenzo Andrews y señora Monique na Hulanda

Nieto y nietanan:
Daniel Morris na Merca
Gabriella, Deidrick, Keisha Smith na Merca
Kevin Anthony na Sint Lucia
Anthony y señora Samantha, Miriam Trinidad
Nailah, †Mayron “Tula”, Rheliana Bayne
Elize Leonard
Liòn, Leannard, Demy na Hulanda

Bisanieto y bisanietanan:
Ezra, Kishanti, Jordan, Ebony, Luke Browne
Aliya Trinidad

Ihanan:
Yolanda Peters na Sint Vincent, Charmain Andrews

Rumanan:
†Solomonon Andrews y †Elsie
†James Andrews y Lucy Almonte na Hulanda
†Jestina “Beatrice” Craig-Andrews y †Odriel
†Nathaniël “Natha” Andrews y Valrene na Saint Croix
†William Andrews y Melesie na Paraguay
†Ezekiel “Ziek” Andrews y †Cornelia Andrews-Stoof
Reginald “Regi” Andrews y †Unita Andrews-Priest
Victoria “Toya” Andrews y Edwin Boutisma
†Julius “Toonchi” Andrews y Rhona Williams
†Ferdinand “Ferd” Andrews y Ingrid Andrews-Gomez
Olivia Muhummad-Andrews y †Eugene na Merca
Madeline Andrews na Merca
Paulina “Nelly” Heemstadt

Sobrina y sobrinonan na Aruba:
Mary, Ruth, Haydee Andrews; †Phillip, †Reuben y Etty Craig-Lourens, Judith Hazel-Craig y Irvin, Elizabeth Craig; Vanchi, Esther, Victor Andrews; Jose Hooi; †André y Winnie Pak-Farro, Silvio, Julio Andrews; Corina Andrews; Charmain, Xiomara Berkel, Alvaro Andrews y Mila Gomes; Alwyn, Ralph, Raphael, Errol Andrews; Sharléne Andrews; Ricardo y Crisienne Illidge-v/d Biezen, Wilfrido, Hubert, Charlotte Heemstadt;
Sobrina y sobrinonan na Hulanda, Merca, Corsow, Sint Vincent, Sint Kitts, Sint Croix y Hawaii: Jennelle, Kathi, David, Naomi, †Joan, Juliette, Andres, Giovanni, Ismaël, Alicia, Rocky, Ricky, Fidelia, Edith, Ria, Jacky, Graciela, Maruschka, Coleen, Nicole, Lucretia, Claudia, Michelle, Solomon, Christina, Ahmad, Khadijah, Daniel.

Demas famia:
Andrews, Marinus, Lynch, Scott, Mercera, Willis, Exposito, Maria, Dirksz, Geerman, Carti, Prescott, Howard y Nedd.

Ta invita tur famia, bisña y conocir pa asisti na acto di entierro cual lo tuma lugar diasabra 6 di juli. For di 9or nos defunto stima lo ta reposa den Misa Wesley Methodist Church na Longfellowstraat 3. Respons ta cuminsa 10:00 despues ta sali pa santana na Sabana Basora.

Nos ta lamenta cu despues di entierro nos no por ricibi bishita di condolencia na cas.

Den nos tristeza nos por a lubida algun famia. Nos disculpa.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Salmo 23:1
SEÑOR ta mi Wardador, mi n' tin falta di nada; den cunucu di yerba bèrdè E ta pone mi sosegá. E ta hiba mi na awa trankil, pa mi bolbe haña forsa.

Cu inmenso tristeza na nos curason nos ta anuncia fayecimento di nos ser kerí



Roberto Fileto Maduro
Mihor conoci como: “Betico”
*27-03-1960 †01-07-2024

Na number di:
Mama: †Nelly Isabel Maduro

Tata: †Frans Roberto Maduro

Rumanan:
Jaime (Ety) Maduro - Swinda Boekhouwer y famia.
Julio (Tuyo) Maduro - Silma Oduber y famia
Vivian (Angie) Maduro - Famia
Damasco (Denny) Maduro - Deborah De la fuente y famia
Jose (Paquito) Maduro - Jurette Croes y famia
Damian (Ivo) Maduro - Virginia Bislip y famia
Raquelita (Ita) Maduro y famia

Tanta y Omonan:
†Cortes y †Marieta Maduro – famia
†Pangracia y †Felipe Franken - famia
†Ceril y †Sonia Maduro - famia
†Maria y †Juan Maduro - famia
†Ursulita Maduro
†Elisa Maduro y yiu - famia
†Eusebio y Imelda Maduro - famia
†Eucarnacio y †Tecla Maduro - famia
†Francisco y †Clarita Maduro-Dania - famia
Victor y Chenta Maduro-Briezen – famia
†Eduviga (Bia) maduro-Willems - famia

Iha: Jursey Maduro

Primonan, primanan, subrinonan, subrinanan, sua, cuñanan, de mas famia, bisinanan y conocirnan.

Demas Famia: Maduro, Boekhouwer, Oduber, De la Fuente, Winklaar, Croes, Delaney, Cañas, Lopez, Wernet, Diaz, Mendez, Flanegin, Bermudez, Lacle, Alders, in ‘t Veld, Werleman, Dania, Daño, Briezen, Willems, Noguera, Dijkhoff, Vrolijk, Herrera, Geerman, Quant, Curiel, Rasmijn, Thiel, Rosel, Dabian, Lampe, Carrion, Cortes, Franken, Angela, Peña, Figaroa, Koolman, Flemming, Tromp, Evertsz, Statie, De Freitas, Kelkboom, Gomez, Eman, Dubero, Bremono, Arends, Jacobs, Jacopucci, Flemming, Van Hof, Nobibux, Espinosa, Abath, Alberts, Kock, Bareño, Erasmus, Wever, Vos, de Cuba, Bislip, NG

Nos ta pidi disculpa cu den e momento nan difícil nos por a lubida un of otro famia.

Acto di despedida lo tuma lugar na Aurora Funeral Home diahuebs 04 di Juli 2024 di 9:00 am pa 11:00 am. Cremashon lo tuma lugar den seno familiar

Despues di entierro nos no por ricibi bishita di condolencia na cas.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Mi a biba un bida yen,
Mi a biaha kada kaminda.
I mas, hopi mas ku esaki,
Mi a hasi'e na mi manera.
Frank Sinatra

Cu inmenso tristesa nos ta anuncia fayecimento di nos
ser stima:



Harold Winston Helder

Cariñosamente yama: "Roy"
Director general di RMH Special Security Team N.V.
*10-9-1950 – † 01-07-2024

Na number di su:

Pareha:
Elly Jongman

Yiunan:
Harold (Tunky) Helder & Kimberly Boekhoudt
Rosetti Helder
Darrell & Natasha Helder - Kelly
Winston Helder & Tiny Eckmeyer
Cai Helder
Derk Helder

Nieto y Nietanan hopi stima:
Desteny, Dylan, Angelly, Mia, Milan, Melody & Sky

Rumannan:
Magda Helder
Win & Betty Helder - Koc
Miriam Helder

Manera ruman:
Jos Paesschen y familia
Furu, rumannan & demas familia

Sobrino & sobrinanan
Emile, Clifton, Rose Anne, Christie, Elisabeth
& familia

Manera yiu:
Mario Barros

Ihanan, primo y primanan na Aruba, Corsow, Boneiro,
Merca y Hulanda.

Su bon amigonan di Caravel y e mundo di futbol.
Amigonan di Radio Kelkboom y Radio 1270 y e mundo
di radiodifusion.
Su coleganan di RMH Special Security Team N.V.

Famianan:
Helder, Loopstok, Jongman, Chang, Tromp, Erasmus,
Upegui, Gomez, Werleman y tur demas familia, mucho pa
menciona.

Acto di despedida lo tuma lugar diabierna 5 Juli na Royal
Funeral Home
for di 6 'or – 9 'or di anochi.

Acto di entierro lo tuma lugar diasabra 6 Juli na Cathedral
di San Fransico na Playa for di 12 pm pa 3:00 pm.
Response lo ta di 3:00 pm – 3:30 pm. Despues di
response lo sali pa Santana Católico na Playa.

Nos disculpa si den nos tristesa nos a lubida algun
persona.

Despues di entierro no ta ricibi bishita di condolencia na
cas.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Autor: Cado Wever.

Cu inmenso dolor na nos curazon Pero conforme cu
Dios su boluntad nos ta anuncia fayecimento di nos ser
stima:



Michael Roland Dijkhoff

Cariñosamente yama "Maikel"
*31-07-1963 †22-06-2024

Na number di su

Mayornan:
† Alberto "Bebe" Dijkhoff y sra. Mena Dijkhoff-Laclé

Rumannan:
Albertica Dijkhoff y familia
Richard y Jennifer Dijkhoff Tromp y familia
Stanley Dijkhoff
Dennis Dijkhoff

Subrinonan stima:
Chris Dijkhoff y Vivian Dirksz y familia, Joshua Dijkhoff,
Shakira Dijkhoff y Darvin Franken, Lytsy Enser, Ibsen
Enser, Shawn Tromp

Tanta y omonan:
Fichi Laclé y † Violeta Laclé- Lampe y familia
Otilio Laclé y † Juana Laclé- Werleman y familia
Rafael Laclé y † Maria Laclé- Ridderstap y familia
Elviro y Monica Laclé-Torres y familia
Frida y † Chinto Werleman- Laclé y familia
Jolanda Laclé y familia
Ludwina y Maikel Drumm-Laclé y familia
† Glenda y Frenk Cornelie-Laclé y familia
Miranda y Hubert Kock-Laclé y familia
† Maria y † Wichi Koolman-Laclé y familia
Simona y † Abigael Torres-Dijkhoff y familia
† Lika y † Fечи Bareño-Dijkhoff y familia
Beatriz Dijkhoff y familia
† Chani y Clea Dijkhoff- v/d Biezen y familia
† Filomena Dijkhoff y familia
Sofia Dijkhoff y familia
Reynaldo (Adi) y Rita Dijkhoff- Werleman y familia
Rofina (Ina) y Jan v/d Kommer-Dijkhoff y familia
Pablo y Vilma Dijkhoff-Croes y familia
Edna Dijkhoff

Primo y primanan, y demas famianan na Aruba,
Hulanda, Schotland, Curacao y Merca.

Amigonan stima:
Ruth Fingal, Roycelynn y Joshua Croes-Fingal, Frans y
Livia Velasquez y familia, Jorge "Ollie" y Helen Dirksen y
familia, Hector Gonzalez y familia,
Amigonan di campamento "Tranquilo Camping Crew"
Yolanda Verbecke

Ta invita tur familia, amigo y bisinanan pa compaña nos
na e acto di entierro cual lo tuma lugar na Aurora Funeral
Home diabierna 5 di Juli 2024 di 2'or pa 4'or di atardi,
despues lo sali pa Santana Catolico Pastoor Kraanwinkel
na Paradera. Nos difuntu stima lo reposa na su cas na
Piedra Plat 83-C di 11'or y mey di mainta pa 1'or di
atardi.

Nos disculpa si den nos tristesa nos por a lubida algun
familiar of amigo.
Despues di entierro nos no por ricibi bishita di
condolencia na cas.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Señor ta mi wardador, mi'n tin falta
di nada
Den cunucu di yerba berde e ta
ponemi sosega.
E ta hibami na awa trankil,
Pa mi bolbe haña forsa".
Salmo: 23



Cu dolor na nos curason, pero
conforme cu boluntad di Dios nos ta
anuncio fayecimento di nos ser stima:

Alex Garnet John Beddo

mihor conoci como: "Alex"
*14-04-1963 - †25-06-2024

Na number di su:

Mayornan: †Mary Magdalen "Britania" Beddo
†Garnet John "Boy" St. Rose

Rumannan:
†Kervin Beddo
Gerard "J.J" Tromp & yiunan
Edgard Koenraad & familia na NL
Steve Beddo & familia
Marta Beddo & yiunan
Erna del Rosario & familia
Daphney St. Rose & familia na St. Maarten

Prima y primonan, tanta y tionan, subrino y subrinanan y
demas familia na Aruba, Dominica, Hulanda, St. Maarten
y Grenada.
Demas amigo y amiganan cu ta mucho hopi pa
menciona.

Pret'i wowo: Suhaily Martie "Cheiba" & familia

Amiganan di cas: Wendy Henriquez & yiunan
Raiza Lesandrina & familia
Rachael Gronnun

Y demas familia: Beddo, Bidow, St. Rose, Filechec. Tromp,
Koenraad, Del Rosario, Baptist, Martie, Stein, Nicolaas,
Martie, Caton, Morel, Rogers, Dubero, Rodgers,
Dupersoy, Arduin, Maduro, Wongsoeparto, Rasmijn,
Thielman y demas familia

Kier a invita tur conocir pa asisiti na e acto di despedida
cual lo tuma lugar dialuna dia 8 july 2024 2'or pa 4'or di
atardi na Pray Funeral Home na San Nicolaas sigi pa e
acto di cremacion cu lo tuma lugar den seno familiar.

Si den nos tristesa nos or a lubida un of otro miembro di
familia y/of conocir nos ta pidi nos mas sincero disculpa.

Aurora

Royal Pray

Funeral Home & Crematory

"Dios ta amor... y amor ta Dios,
maske mi no ta na e mundo aki,
tur dia lo mi ta banda
di boso Curazon, mi por stens di
loke Señor ta hasi"
Salmo 33



Ta anuncia fayecimento di:

Juan P. Geerman

Cariñosamente yama "Juancho"
of "Juan di Pau"
*09-07-1953 - †02-07-2024

Acto di entierro lo wordo anuncia despues

Aurora Royal Pray

Funeral Home & Crematory
Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23

Nos ta anuncia fayecimento di:



Dulce Maria Desbarida
*14-12-1928 - †30-06-2024

Acto di entierro lo wordo anuncia despues.

Aurora Royal Pray

Funeral Home & Crematory
Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Lagrima y flornan por seca, su recuerdonan y tur
loke el a haci y significa pa nos, lo keda graba pa
semper den nos mente y curason.
“Cerca Dios mi alma ta na paz, ta di DJ'E mi
salbacion ta bin”
Salmo 62:1

Cu dolor na nos curason nos ta anuncia
fayecimento di:



Hortencia Henriquez
mihor conoci como: “Tencha”

acto di entierro lo wordo anuncia despues.

Merca:

Democratanan den congreso no por dicidi entre apoyando Biden pa presidencia of batiendo alarma pa un reemplasante

(AP)—E prestacion di debate destradoso di presidente Mericano Joe Biden a causa un susto den e partido democratico, forsando legisladornan pa bringa cu un crisis cu por cambia e eleccion presidencial y cambia e curso di historia Mericano.

E presidente democratico a señalá cu e no tin intencion di retira for di e careda contra ex-presidente y nominado republicano Donald Trump a pesar di e debate siman pasa cu a subraya dudanan tocante e edad di Biden y su capacidad pa ta presidente. Pero mientras e democratanan ta argumentando cu e riesgonan di e eleccion ta transcendental—desafiando e fundeshi di democracia Mericano—nan ta luchando cu con pa acerca e presidente di 81 aña ken mester ta liderando su partido.

Asina ta con e democratanan ta manehando e consecuencianan di e debate:

Batiendo alarma

Representante Lloyd Dogget di Texas a bira e prome democrata den congreso pa haci yamado pa Biden retira for di e careda. El a gaba Biden pero a bisa cu e “tin e oportunidad pa encurasha un generacion nobo di lidernan entre cual por nomina un candidato pa uni nos pais via un proceso democratico y habri.”

“Reconociendo cu, al contrario cu trump, e prome compromiso di presidente Biden semper tabata na nos pais, no su mes, mi tin speransa cu e lo tuma e decision dificil pa retira. Mi ta haciendo un yamado respetuoso pa e haci esaki,” segun Dogget, ken tin 77 aña di edad.

Algun otro democrata congresional a tuma accion durante e ultimo dianan pa adresa preocupacionnan publico no solamente tocante e prestacion di Biden durante e debate di 90 minuut siman pasa, pero tambe e nivel di transparencia cu e equipo di Biden a ofrece tocante su capacidad mental. Nan ta dudoso pa acepta e idea cu Biden mester retira.

“Tur hende ta puntrando un pregunta dentro di e partido democratico...cual ta con nos ta derota Donald Trump y con nos ta bay derota e menasa di autoritarismo,” segun representante Jamie Raskin, un democrata popular di Maryland, a bisa riba MSNBC diamars.

El a agrega cu e pregunta si Biden ta keda como candidato presidencial of democratanan eligiendo un

otro persona “ta un obhetivo cu ta moviendo. E mester pasa rapidamente.”

Senador Sheldon Whitehouse a conta un stacion di television afilia cu CBS cu el a keda “hororisa” pa ambos e prestacion di Biden y Trump su falsedadnan durante e debate. “Hende kier sigura cu e esaki ta un campaña cu ta cla pa gana,” segun Whitehouse. “Cu e presidente y su equipo ta transparente cu nos tocante su condicion—cu esaki tabata di berdad un anomalia.” Algun ta preocupa cu e debilidad di Biden por afecta entusiasmo di posible votadornan, creando un efecto cu ta trece daño na democratanan mientras nan ta purba mantene un mayoria den Senado y tuma back control di e House. Democratanan no popular ya tin confiansa cu nan por haya mas voto cu Biden den caredanan di estadonan indeciso, pero si un cantidad grandi di votadornan ta rechasa Biden, esaki por afecta nan tambe.

Aunke varios democratanan vulnerable a fracasa pa haci yamado pa Biden retira, nan tambe ta pronostica e situacion den terminonan pesimista: si Biden continua, e lo perde. “E berdad, mi ta kere, ta cu Biden ta bay perde contra Trump,” segun representante Marie Gluesenkamp Perez, un democrata di Washington, a bisa. “Mi sa cu ta dificil, pero mi ta kere nos a haya daño caba pa via di e debate ey.”

Apoyando Biden

Cu e famia di Biden urgiendo e pa keda den careda, atencion a cambia pa legisladornan democratico cu por posiblemente persuadi e presidente pa retira su nominacion. Te awo, top lidernan democratico a para tras di Biden den declaracionnan publico.

“No tin discusionnan entre lider-

azgo senior tocante otro cosnan cu sigura nos sigui articula un vision convincente pa e futuro di e pueblo Mericano relaciona na e asuntunan di importancia rondando e economia,” segun lider democratico den e House, Hakeem Jeffries.

Lider di mayoria den Senado Chuck Schumer, un democrata di New York, a publica riba X despues di e debate cu esaki a muestra votadornan cu tabatin un escogencia entre “cuatro aña mas di progreso, of cuatro aña di atake riba nos derechonan fundamental y nos democracia.”

Biden tabata papiando cu lidernan congresional e siman aki, segun e White House a bisa diamars. Secretaria di prensa pa e White House Karine Jean-Pierre a bisa cu nan ta respeta e opinionnan y pensamentonan di miembronan di partido preocupa, agregando cu “esey ta haci e partido aki diferente compara cu e otro banda.”

Hopi di Biden su aliadonan a reprenhe e media pa ta enfoca riba e capacidnan mental di Biden, argumentando cu e enfoka mester rondona e historia di Trump no aceptando e resultadonan di e eleccion na 2020 cu el a perde contra Biden y su falsedadnan continuo. Representante Veronica Escobar, un democrata di Texas ken ta parti di e comite di compana di Biden, a bisa cu e debate no a cana manera el a spera pero a agrega, “mi ta kere mester tin un combersacion tocante e cosnan cu Donald Trump a bisa. E ta demasiado detestable.”

Representante Robert Garcia, ken tabata entre e alternativanan di Biden na e debate, a rechasa e preocupacionnan. “Nos ta 100 por ciento tras di Joe Biden,” el a bisa diabierna siman pasa. “Fin di storia. E ta nos nominado. Pues cualkier cos pafo di esey ta solamente chisme politico.”



India: 121 persona a muri debi na avalancha di hende cu tabata kier wak un guru mas di cerca

(EFE) – Un avalancha di hende den cual 121 di nan a muri a produci den un evento religioso na nort di India ora varios di 250,000 presente a purba acerca un guru local yama ‘Bhole Baba’, loke a provoca cu hopi di nan a cay y no por a sali di e luga segun fuentenan oficial a informa.

E multitud a bira e tripel di loke organisadonan tabata spera na districto di Hathras, ubica na estado di Uttar Pradesh, segun e corant Indian Express a indica cu base na e denuncia presenta pa e organizacion.

“Mi a papia cu varios testigo y nan a informa mi cu e incidente a sucede ora e evento a caba. Ora e guru tabata bahando for di stage, varios muhe a cuminsa bay cerca dje pa tokele, pero e seguridad a stop nan y e accidente a cuminsa,” hefe di Gobierno

di Uttar Pradesh, Yogi Adityanath a bisa.

Segun e medio local, e denuncia ta nombra varios di e organisadonan, pero no ta menciona directamente e guru Bhole Baba, unda miles di hende a acerca te e luga pa wake den persona.

E ceremonia religioso, un especie di acto di oracion organisa pa Bhole Baba, a tuma luga na un espacio amplio den cual na zona central tabatin algun structuranan y telanan pa ricibi e cantidad grandi di publico.

Ora e evento a culmina, un avalancha di hende a caba cu e bida di por lo menos 116 persona, segun secretario hefe di Gobierno di estado di Uttar Pradesh, Manoj Kumar a bisa y a confirma cu 100 di e fayecido ta hende muhe.

E causanan exacto di e suceso



te ainda no ta conoci pa Polis, aunke magistrado di districto di Hathras, Ashish Kumar, a bisa na prensa cu e incidente a produci pa e gran cantidad di hende cu a yega y a purba di bandona e luga na mesun tempo.

Ademas, testigonan presencial interoga pa medionan a bisa cu varios persona a cay

den un tereno instabil loke a provoca un caida den cadena y hopi di nan a muri sin cu por a hala rosea.

Avalancha di hende ta fenomenonnan frecuente den celebracionnan religioso Indio y ta debi den gran parti, na deficiencianan den e gestion di concentracionnan multitudinario of na e escasez di

infraestructura cu ta rondia e luganan di e culto.

Sinembargo, por a recorda un suceso similar cu a tuma luga na september di 2008, ora por lo menos 150 persona a muri y otro centenar y mei a resulta herido den un avalancha humano na un tempel di e ciudad di Jodhpur na Rajasthan.

A descubri red di explotacion sexual di muhenan Latino na Spaña

(DW) - Polis Nacional Spaño a descubri un di e organisacionnan criminal mas grandi, pa loke ta trata number di victimanan afecta, cu na Spaña ta dedica na explotacion sexual di muhenan di origen Latino Americano, un operacion cu a caba cu e detencion di 25 persona.

Solamente durante e lunanan cu e investigacion a dura, mas di 500 muhe, mayoria di nan Colombiano, a ser abusa na Ciudad di Malaga na sur di Spaña, segun Polis a informa. E condicionnan di trabou imponi pa e organizacion criminal tabata di abuso y tabata pone den riesgo grave e salud di e muhenan. Tabata obliga nan pa traha 24 ora di e dia, shete dia pa siman, ademas nan no por eligi ni rechasa ni un cliente of servicio cu mester a haciele sin usa proteccion, loke a causa cu varios muhe a contrae malesanan di transmision sexual.

Ademas, pa eherce un control mas grandi riba nan, nan tabata bao vigilancia permanentemente a traves di camaranan instala den e luga cu nan por a bandona pa dos ora so pa dia cu autorisacion previo di esnan encarga.

A libera caba 11 victima y di e 25 persona deteni, ocho a drenta prison. Agentenan a clausura e cuatro piso di edificio cu tabata sirbi como prostibulo di e red y a realiza registranonan na otro propiedadnan den cual a logra haya 145,338 euro cash y 1.2 kilo di cocaina.



E trama, cu tabata perfectamente structura y tabata conta cu un number halto di miembronan, tabata capta un parti importante di e victimanan



na nan pais di origen, principalmente Colombia.

E muhenan, den un mal situacion economico, tabata wordo gaña pa bialha Spaña cu den hopi caso tabata un oferta di trabou falso na un centro di estetica cu e organizacion tabata posee na e pais ey.

Sinembargo, un bes den territorio Spaño, tabata informa nan di e debe cu nan a haya y e gastonan di e biahe, tabata adverti e victimanan cu nan mester a paga eherciendo prostitucion, aunke e debe no tabata stop debi na sancion y multa sin hustificacion.

Ta calcula cu e trama aki tabatin un beneficio anual cu tabata supera un miyon y mey euro, unda tambe nan tabata dedica na distribui substancianan den e pisonan cu nan tabata controla y tabata obliga e muhenan pa consumi tambe, ademas di fomenta su uso entre clientenan cu e obhetivo cu e servicionan lo a dura mas tempo pa genera mas beneficio, loke den algun caso tabata causa lesionnan pa e victimanan.

E investigacion aki a cuminsa a traves di denuncianan ricibi na e number di telefon pa meld trata di personanan, asina ey e investigacion a cuminsa danki na colaboracion di comunidad y denuncia anonimo.

Aña pasa a registra mas di 600 victima di trata na Spaña.